

TSHIPFI TSHA NTHESA



Ndi kha di diphina, na nne-vho, nga ila phatutshedzo ano matsheloni.

Oo, zwi hulu, zwo andaho, a zwi dihwi, zwithu zwine Mudzimu a do ri itela musi ri tshi kuvhangana! No no zwi dzhieila nzhele tshee ra dikumedzela kha Mudzimu, uri zwithu zwo tshimbila hani fhano? Phatutshedzo nthia ha phatutshedzo, maanda nthia ha maanda, vhugala nthia ha vhugala! Zwo vha zwo naka. Huno U do isa phanda na u ita ngauralo. Zwisagadugu izwi, ndo zwi rabelela, arali—arali hu na mune wazwo fhano.

² Zwino ndi todou zwi bua, lwa tshikhathi tshithihi kana zwivhili, huno tsha u thoma ndi tshi ni livhuha nothe malugana na tshifhiwa tshañu tshavhuđi tsha Khushumusi, tsha sutu ya zwi ambaro ye na nnea yone. Naa izwo ndi zwo zwa vha zwi ngomu ha yanu, Murathu Neville? [Murathu Neville u ri, “Ee, mune wanga. Ee, mune wanga.”—Mudzudzanyi.] Ee, mune wanga. Sutu ya zwi ambaro. Vhareri vha nga kona u shumisa sutu ya zwi ambaro zwifhinga zwothe. [“I khou nnddingana zwavhuđi.”] Zwo naka! Ndi zwavhuđi. Zwino, vha bva biko, huno ilo biko li sinisa zwi ambaro u fhira tshinwe tshine nda tshi divha-vho, ni a vhona. Huno hu todea zwi ambaro zwinzhi u ambadza mureri, na zwi ambaro zwavhuđi. Labi vhukuma la mudali lo tshiphaho li do sokou sina, nga tshifhinga tshituku. Ngauralo, su—sutu yavhuđi ngauralo i do vha na u tahala ngomu hayo.

³ Huno edzonu elekanya, uri ni khou tikedza na u nea zwi ambaro izwi mulanda wa Murena. Huno Murena a ni fhađutshedze. Yesu o ri, “Zwenezwo zwo na itela tshinwe wa havha vharathu Vhangha vhatukutuku, no zwi itela Nne.” Ngauralo a no ngo vhuya na rengela, rengela vhafunzi vhavhili sutu; no renga sutu mbili ni tshi itela Yesu. Uh-huh. Ndi zwo A amba, “No zwi itela Nne.”

⁴ Fhedzi uho u kwamiwa zwiđuku ha Tađulu, matsheloni ano, no vhuya na hu dzhieila nzhele? A hu na mbidzelwaphanda, a hu na tshithu; fhedzi nga murahu ha Mulaedza na—na u netuluswa nga Muya Mukhethwa kha vhatu, vhugala ha Mudzimu vhu tshi khou shuma, vho sokou thoma u da nthia, na fhasi, thungo dzothe. Huno ndo vhona dziňwe khonani dzanga dzavhudzi vhukuma dza Baphuthisi, u bva kha tshihidzo tsha Baphuthisi tsha Walnut Street, ngei Louisville, tsho ima kha kudila, Maanda a Mudzimu e khatsho lwa tshothe. Yawee, nnenñe! Vhone, ndo tangana navho nga murahu ha tshumelo, vho ralo, “Hayo ndi Maanda a Mudzimu.”

Nda ri, “Ndi zwone. Ni na ngoho . . . Ni na ngoho vhukuma. Maanda a Mudzimu!”

⁵ Huno a ni koni u wana maipfi ane ni nga a bula. A ni divhi zwine ni nga amba. Muya Mukhethwa u tou dzhia tshumelo huno a ni divhi zwine A do ita ngayo. Nga u bvuda, zwavhuđi, nga vhulenda, wo kwashékana. Yawee, Murathu Pat, hezwo i tou vha Tadulu, kha nne. Ndi tou vha muňwe wa avha vha murafho wa kale vhane vha takalela uvho vhudíppi Khawo, ni a vhona.

⁶ Unga muňhabvu Paul Rader, o ri . . . Nga tshiňwe tshifhinga o vha a tshi khou anetshela lungano. Huno o ri ene na mufumakadzi wawe vho vha vho dzula ťafulani, huno a ţoda u ya huňwe fhethu kana u ita tshiňwe tshithu, huno a dzulela uri khae, “A thi koni u zwi ita,” na zwiňwe-vho, huno a mu kađudza.

⁷ Huno a sedza thungo dzothe khae, nahone miđodzi i tshi khou elela mashamani awe, huno a ri, o ri, “Zwo luga, zwino . . .” A elekanya mbiluni yawe, “Uh, arali a sa lengi u vhaisala, mu litsheni a dzule o vhaisala.” Ngauralo ene, unga munna, u fana na musi o peta bammbiri ťawe nahone a li vhea phasi kha ndilo yawe.

⁸ Huno nga zwifhinga zweithe o ima munangoni a mu khisa lwa u mu onesa. Huno zwenezwo musi o no bva nga khoro, o vha a tshi mu dzungudzela tshanda, huno zwenezwo izwo zwe—izwo zwe vha zwe lingana, ni a divha, u swikela a tshi vhuya murahu u bva ofisini yawe.

⁹ Huno ngauralo matsheloni ayo, a ri, musi vho no thoma, mulandu, kha . . . kha vothi, mulandu, o vha o ima tsini na vothi, huno a mu khisa a bvela nnđa mafheleloni a khoro. A vula khoro, a sedza murahu, huno o vha o ima vothini thoho yo kotamel phasi, a tshee o vhaisala, a ri o mu onesa nga u dzungudza tshanda, a mu onesa-vho nga u dzungudza tshanda.

¹⁰ A ri a thoma u tsa na tshitarata, huno a thoma u elekanya, “Mini-ha arali tshiňwe tshithu tshi tshi nga bvelela kha nne phanda ha musi ndi tshi vhuyeleta hayani, kana mini-ha arali tshiňwe tshithu tshi tshi nga bvelela khae phanda ha musi ndi tshi vhuya, Mudzimu u do ri tsirusa; huno sa mufumakadzi wavhuđi sa zwe a vha e zwone, ndi wavhuđi hani, na zwiňwe-vho?” Huno a ri, a tshi di ya kule, na mbilu-vho ya naňa u pfa vhutungu.

¹¹ Ngauralo o tou rembuluwa a gidimela murahu, a vula khoro, a gidimela nduni, a vula vothi. Huno musi o no vula vothi, a pfa tshiňwe tshithu tshi tshi lila. A sedza thungo dzothe, o vha o ima murahu ha vothi. A ri ho ngo vhuya a ri “nkhangweleni,” ho ngo vhuya a ri “Ndi humbela pfarelo,” ho ngo amba tshithu. A ri o tou mu dzhia a dovha a mu khisa, a rembuluwa a humela murahu nnđa. A ri o bva a ya khoroni, a ri o vha o ima hafhu vothini. A ri, “Salani.” Huno a ri, “Ndi zwone,” a ri, u tou fana na zwe a ita lwa u thoma, fhedzi lwa u fhedzisela lwo mu kwama.

¹² Ngauralo ndi ndila ine zwa vha ngayo, musi zwi na vhudipfi ngomu hazwo, ni a vhone, zwauri zwa vhukuma ndi tshiñwe tshi bvaho ha Mudzimu.

¹³ Zwino kha khetho zwikhathi zwi si gathi zwo fhiraho, ya mulangi muswa, Murathu Sothmann. Ndi na vhuñanzi ha uri vhalangi, na vhothe, vha a zwi divhya zwino, zwauri, mafheleloni a ñwaha wa masheleni, nga la ù thoma la Phando, ofisi dzoþe dza tshivhidzo, sa vhafunzi na madikoni, na vhañwe-vho, dzi a guma. Zwenezwo arali vha tshi þodou bvela phanda... Zwino, vhafunzi, a tho ngo ralo. Ndo vha ndi tshi amba vhalangi, na madikoni, khathihi na vhadededzi vha tshikolo tsha Swondaha, na vhañwe-vho. Vha... Mufunzi u nangiwa nga tshivhidzo, huno u dzula u swikela, u swikela. Huno zwenezwo—zwenezwo vha... Arali vhathu, bodo i re hone ya vhalangi, kana madikoni, kana vhadededzi vha tshikolo tsha Swondaha, kana vhañwe vhanzhi, arali vha tshi þoda u bvela phanda, vha tou bvela phanda. Arali vha sa iti ngauralo, zwenezwo vha tea—vha tea u litsha arali vha sa funi u bvela phanda. Huno hu si na tshi soliseaho malugana navho, vha mbo di isa phanda kha ñwaha u tevhelaho. Huno—huno zwenezwo arali vha sa bveli phanda, zwenezwo vha vha na khetho, vha dzenisa muñwe mulangi zwawe, kana—kana yeneyo ofisi ye ya vha i hone.

¹⁴ Ngauralo, a zwi kombetshedzi munna, vhutshiloni hawehoþe, u shuma kha bodo. Fhedzi a tshi khou pfa uri Mudzimu u nae huno u a mu farisa, nahone u þoda u ita tshipida tshawe, naho e musadzi, naho i tshi nga vha mini, u bvela phanda na mushumo wa Mudzimu, ri dzula ro takalela u vha navho uri vha shume na riñe. Ni a vhone? Fhedzi nga iyo ndila zwi ñea muthu tshikhala tsha u shuma ñwaha na u vhone uri vha zwi funa hani. Vhañwe vha vhalangi vhashu vha shuma miñwaha na miñwaha na miñwaha, na madikoni na vhone-vho, huno hezwo zwo luga tshoþe. Fhedzi-ha a hu na tshifhinga tsho tiwaho. Arali mulangi, kana mufunzi, kana muñwe muthu a re kha bodo, a sa vhone uri vha nga bvela phanda na u shuma, kana vha bva, zwenezwo vha tou divhadza tshivhidzo, uri vha kone u wana muñwe muthu vhudzuloni havho.

¹⁵ Huno ndi zwe zwa itea fhano, madekwana ano, kha Murathu Morgan, Murathu William Morgan a tshi litsha sa mulangi. Vho þoda muñwe mulangi. Huno Murathu Sothmann o ðo nangwa sa mulangi, nga tshiñwe tshifhinga, huno zwenezwo madekwana ano a þanganedza kha bodo.

¹⁶ Ndi zwa tshiofisi, musi tshivhidzo tshi tshi khou zwi tendela. Tshivhidzoni thashu, ndi vhuhulwane ha tshivhidzo. Tshivhidzo tshi a sudzulusa, kana tsha dzenisa mulangi, tshivhidzo tshi a sudzulusa mufunzi, kana tsha dzenisa mufunzi. Naho hu tshi nga vha mini, kha zweþe ndi tshivhidzo. Hezwo ndi zwa vhuapostola. Heyo ndi ndila ye zwa itwa tshifhingani tsha Bivhili. Ngauralo, ri pfa uri a hu na muthihi,

zwenezwo, ane a vha ambadzifhele kana tshiñwe tshithu tshivhidzoni. Hezwo a ri zwi ḥodi. Munna muñwe na muñwe, muthu muñwe na muñwe, na nne, kha u nanga muñwe na muñwe uri a dzhene, huno a wana fhedzi voutu nthihi, u fana na muñwe muthu zwawe wa tshivhidzo fhano, voutu nthihi fhedzi. A si zwine nda amba; ndi zwine tshivhidzo tsha amba, ni a vhona, zwine tshivhidzo tsha amba muvhilini. Izwo ni a zwi takalela? [Tshivhidzo tshi ri, “Amene.”—Mudzudzanyi.] Yawee, ndi elekanya uri hezwo zwi tou vha zwa Mañwalo. Zwi tea u vha nga ndila heyo.

¹⁷ Zwino, heyi i do vha vhege khulwane kha nne, i qaho, matshelo, Murena a tshi funa. Ndi tea u dzhia tsheo kha ñwaha muswa, ya thambo dzothe. Ndi ḥoda u bva nda ya ngei—ngei ofisini huno nda dzhia thambo dzanga dzothe nda dzi disa hayani. Ngauralo, kha mađuvha a si gathi a qaho, ndi do ya thabeloni, kha Mudzimu, huno nda Mu rabela uri a ndededze a dovhe a ntsumbedze uri ndi tea u dzhia ndila ifhio na uri ndi ite mini. A ri khou tshila tshifhingani tshi fanaho na tsha musi E fhano, he Mudzimu a Mu khada u bva huniwe a tshi ya huniwe, huno O vha e doroboni awara dzi si gathi a dovha a ya kha inwe dorobo. Fhedzi ñamusi zwi kha nzulele inwe, i tou vha nzudzanyo, zwigwada zwa vhashumeli ha dovha ha tea u itwa zwithu zwinzhi.

¹⁸ Huno nga ndila ine nda zwi ita, ndi disa thambo dzanga dzothe dzi bvaho Afurika nda dzi vhea fhasi, na thambo dzothe dza India, na dzothe dza California, dza Utah, na thambo dzothe dzo fhambanaho, huno nda dzi vhea nga zwiñphopa zwo fhandekanaho. Ndi do dzi sia dzo ralo. Huno zwenezwo ndi mbo di tshimbila nda rabela, khamusi nda dzhena goloini yanga nda dovha nda ḥuwa ḥuvha lithihi kana mavhili. Nda vhuya, ndi tshi khou rabela. Tshiñwe tshithu tshi qa mbiluni yanga uri ndi ye huñwe fhethu, zwenezwo ndi ḥola arali u tshi tou vha muhumbulo zwawo. Zwenezwo, ngavhuya, zwenezwo ndi... arali muhumbulo wa khwatha kha nne, ndi ya kha itsho tshiñphopa tshine afha huñwe fhethu ha vha khatsho, zwenezwo nda doba luñwalo nda lu vhala, lwa thambo, u vhona uri ndi ngafhi. Zwenezwo, u bva henefho.

¹⁹ Ndiyho ya u ita izwo asiyi. Ni elekanya nga ha u fhufha awara dza fusumbe-mbili ni kha bufho, mađumbuni, nahone n̄ha na fhasi, na thungo dzothe, arali no no vhuya na ya seli ha lwanzhe. A ni ñivhi! Nga tshiñwe tshifhinga ni n̄ha, huno nga tshiñwe tshifhinga li fhasi, nahone li tshi tshinatshina, nahone li tshi ya phanda na murahu, nahone phanda na murahu hu tshi ya n̄ha na fhasi, vhukati ha makole na nga n̄ha ha ala mađi, lwa mađuvha mararu na masiku mararu. Na mbo tsela kha shango, huno tshithu tsha u thoma tshine tsha ḥangana na inwi ndi Sañhane, “Zwino, tshigwada tsha vhashumeli tsho amba

hezwi. Vhañwe vho voutha vha tshi hanedza, huno vhañwe vha tenda.” Ni a vhona?

²⁰ Zwenezwo ni nga di amba hezwi, “Zwo luga, khamusi Murena ho ngo ḥoda ndi tshi da.”

²¹ Fhedzi musi no rumiwa nga Mudzimu, no ḥiimisela u ṭangana na swina. Ni tou ri, “Ndi kanda hafha, Dzinani la Yesu Kristo. Ndi da Dzinani la Murena Yesu, huno ndi dzula hafha u swikela mushumo Wawe u tshi khunyelela.” Ni a vhona? Huno no ḥiimisela u ṭangana na dzimmbi.

²² Ngauralo, ni a mpfuna, ndi a zwi ḫivha uri ni ralo. Ngauralo nthabeleleni, ino vhege, uri ndi ite zwi re zwone, nga ḫuthuwedzo Mudzimu u ḫo nkhada.

²³ Zwino ndi ḫo vha na tshumelo ḫukhu dzi si gathi, dzine nda dzi vhidza, tshumelo ḫukhu dza nzambu. Ndi khou ya Florida, nga la malo, la ṭahe na la fumi la uno ḫwedzi; kana, Tifton, Georgia. Tifton, Georgia, nga la malo, la ṭahe na la fumi la Phando, ndo vha ndi tshi khou ḥodou ralo, vhudzuloni ha uno ḫwedzi. Huno zwenezwo ndi tea u ya Glasgow, Kentucky; nahone khamusi Somerset, Kentucky; hu vhusiku vhuthihi, nahone khamusi Campbellsville, Kentucky. Huno—huno Murathu Rogers o ḥoda ndi tshi da vhusiku vhuthihi, ha hawe, he ra hu wana . . . ro ḫo fhambana nae tshiñwe tshifhinga.

²⁴ Zwino, rabelelani Murathu Rogers. Ro vha ri na khuvhangano, namusi, huno ndo fara tshanda tshawe nda mu wana e kha tshivhumbeo tsho vhfahaho, muvhilini. Ngauralo rabelelani Murathu Rogers hangeno. O shumesa henengei, huno zwe mu ita uri a vhilaele nahone a ṭanganane, huno zwa zwino u—u na mutakalo u si wavhuđi na khathihi, na mufumakadzi u kha nyimele yo vhfahaho nga maanda. Ngauralo rabelelani uyo muta mułuku, vhana vhavhudi vha Mudzimu. Huno ndo mu vhuđza zwauri, Murena a tshi funa, ndi ḫo mu nea vhuñwe vhusiku.

²⁵ Huno Murathu Ruddell, tshiñwe . . . tshiñwe tsha zwivhidzo zwiłuku zwashu, hangeno kha furathi-mbili, mutukana mułuku wa kale wa thoni, o fhira hafha huno ho ngo vhuya a sedza n̄tha. Huno o ḫo da ngei nduni. Huno, yawee, ndi humbulela zwauri vhathu vho elekanya uri o vha e muthu a no dzulela u dina, fhedzi ho vha hu na tshiñwe nga ha mutukana tshe tsha vhonala tshi tsha vhukuma. Ndo isa phanda na u dzula nae, nahone ndi tshi dzula nae, nda ri, “Murathu Ruddell, ni nga kona.”

²⁶ A ri, “Mukomana Branham, ndi a takuwa nda ima phanda ha gogo, mbi—mbili yanga i da mukuloni wanga. A—a—a thi koni na u bula ipfi.”

²⁷ Nda ri, “Imani heneffo huno ni i mile i tse, nahone ni ambe, Dzinani la Murena.” Ni a vhona? Huno zwino u na thaberanakele i no edana na heino, hafha n̄tha ndilani ya n̄tha, u khou ita tshiñwe tshithu. Li kwambateleni. Mutukana u na

mbidzo ya Mudzimu. Ndo divha khotsi awe, mme awe. Ndi vhathu vhavhuđi nga maanda.

²⁸ Huno zwenezwo ri fanela u vha na Junie, vhusiku vhuthihi, fhasi New Albany. Huno, oo, ni a divha, tshumelo thukhu zwadzo, zwine ndi nga kona u dzhia vhusiku fhano na vhusiku henengei.

²⁹ U swikela, arali tshiñwe na tshiñwe tshi tshi tshimbila nga ngona, tsini na la fumbili-đhanu la Phando, ndi do vha ndi tshi ya Miami, u itela Khuvhangano ya Dzitshakatshaka ya Lifhasi ya Vhanna vha Bindu la Tshikriste la Mafhungo-madifha o Fhelelaho. Huno u bva afho, ndi do livha Kingston, Haiti, fhasi kha la South America, na nthia u fhira Mexico. Huno u bva afho, kha la Afurika. U bva Afurika, ha dzhenwa Scandinavian. Na huñwe-who, nga u tou ralo. Tshipida tshihulwane tsha ñwaha, ndi a tenda, tshi do dzhiwa kha tshumelo dza seli ha lwanzhe. Ngauralo ni nthabelele, ndi fanela u ñiimisela u ita tshi re tshone.

³⁰ Zwino, hezwo i tou vha arali i tshi do vha lufuno lwa Murena. Arali zwi songo ralo, ndi funa u ya huñwe na huñwe, fhetu huñwe na huñwe. A hu na ndavha uri ndi ngafhi, ndi funa u ya. Fhedzi ndi tshi kha di kona u ima buseni ili la lifhasi le Mudzimu a mmbea khalo, ndi ḥoda u rera madzanga Awe a sa ḥalukanywi u swikela lufu lu tshi nnzhia kha uyu muvhili. Hoho ndi u ñiimisela hanga, nga khathutshelo ya Mudzimu, arali A tshi do mpfarisa fhedzi. Arali A tsirusa tshanda Tshawe kha nne, Diabolo u do ntshidzha. Ngauralo ni tou rabela fhedzi uri Mudzimu a litshe tshanda Tshawe tsha tshilidzi kha nne.

³¹ A thi khou humbeli khaṭhulo Yawe. Ndi khou humbeli tshilidzi Tshawe. Ni a vhona? Zwino, khaṭhulo Yawe, hai, hezwo ndi nga si zwi kondelele. Ndi khou lila fhedzi tshilidzi Tshawe, ngauri ndi a zwi ñivha zwauri a tho ngo fanelwa, nahone a hu na o raloho. Huno ndi khwine ri sa humbeli khaṭhulo Yawe. Ri ḥoda tshilidzi Tshawe.

³² Zwino, madekwana ano, ipfi langa li a hwasa, fhedzi a tho ngo hana tshifhinga tshe nda ḥewa, u amba na tshigwada itshi tshavhuđi tsha Vhakriste. Imani, phanda ha musi ndi tshi ita iyi ndivhadzo, edzonu ri ndi ambe tshithu tshithihi. Musi nothe ni na mbilu nthihi zwino, ni na pfano, nahone tshiñwe na tshiñwe tshi tshi khou tshimbila zwavhuđi, ntendeleni ndi nee fhedzi nyambo thukhu ya miniti mivhili kha tshivhidzo tshanga. Ni a vhona?

³³ Thetshelesani, vhafunwa vhanga kha Mafhungo-madifha, vhanga...džinaledzi khareni yanga, arali ndi tshi do vha nayo, yo rengwaho nga Malofha a Yesu. Ndo ita hezwi hu na ndivho, u vhuya nga u tou rali. Ro vhekanya zwauri musi ri lwondoni lwa u zwima, Murathu Roy Roberson, Murathu Banks Woods, na nne, ri lwondoni, zwauri ro vha ri tshi do kona u ñisa, u

vhuya. Mukomana—Mukomana Roy na riñe roþhe ro vha ri tshi khou amba, na nga ha vhafunzi vhashu, Murathu Neville, na munna ane a dzulela u vha phanda hanu tshifhinga tshoþhe, a tshi khou lisa na tshinwe na tshinwe, ri a mu funa. Fhedzi, naho zwo ralo, Murathu Neville ane a vha mufunzi-vho, zwo vhonala zwi tshi kondanyana kha Murathu Neville uri a dzhenelele kha izwo. Ni a vhona? Ngauralo ro rabela, huno zwo vhonala zwi tshi nga ho vha hu lufuno lwa Murena zwauri ndi zwi ite. Zwino, ndo humbelo Murena arali A tshi do mpfarisa, ndi do ita zwine nda kona.

³⁴ Huno nga murahu ha u dikumeda hanga, nahone nga murahu ha u ita, u vhona uri tshivhidzo tshi ite nga u tou ralo. Zwino, arali Mudzimu o ri fhaþutshedza nga ndila ye A ralo kha tshumelo dzi si gathi dzo fhiraho, na u dikumeda uho huþuku, U do ita mini arali ri tshi isa phanda? Ni a vhona? Isani phanda. Zwino thetshelesani. Ni a funana. Nga ndila ye nda ni vhona no ima kha zwidila matsheloni ano, na ino vhege na zwanda zwañu zwo livha kha Mudzimu, na—na Muya wavhuði u tshi khou vhudzula thungo dzothé, kha inwi!

³⁵ Zwino ni songo thetshelesa na kha tshithu tshithihi tshivhi tshine Diabolo a amba. Ni a vhona? Arali Diabolo a tshi ni sumbedza zwiñwe, kana a ni vhudza tshinwe tshithu tshivhi, nga ha muñwe wa miraðo ya Muvhili wa Kristo, ni songo zwi tenda. Ngauri, ni tshi tou zwi tenda, ni tshinya tshenzhemo yanu.

³⁶ Huno arali ni tshi vhona muñwe wa miraðo ya Muvhili wa Kristo a tshi khou ita tshinwe tshithu tshivhi, ni songo vhudza muñwe muthu zwawe. Fhedzi iyani kha uyo murado, nahone nga lufuno, ni vhone arali ni si nga mu vhuedzedzi hafhu kha Kristo. Huno arali ni sa koni u zwi ita, zwenezwo vhudzani muthu muthihi, kana ni tuwe navho. Zwi iteni nga ndila ine Luñwalo lwa amba. Ni a vhona? Fhedzi ni songo . . .

³⁷ Arali muñwe muthu a tshi ri, “Khaladzi *Mukenenene*, kana Murathu *Mukenenene*,” ni songo vhuya na tenda na ipfi lithihi lazwo. Ni zwi litshe zwi fhire. Ngauri, elelwani, ndi Diabolo a no khou lingedza u ni kherukanya na bva zwipida. Zwino edzonu mu lavhelesa a tshi dzhena, ngauri u do zwi ita. Zwino ni litshe munna wavhuði wa nndu, lutendo, a ime heneffo, huno ni songo vhuya na þanganedza na tshithu na tshithihi. Havha vhatu vho dzudzwa zwikalani zwa Taðulu na vhoiñwi, vha kuyhangana fhethu huthihi kha phaþutshedzo dza Mudzimu, vha tshi khou la tshilalelo þafulani, huno Muya Mukhethwa wo þanziela zwauri ndi vhone vhana vha Mudzimu. Kha ri vhe fhedzi vhavhuði nga maanda, vha mbilu dza vhulenda, vha u hangwela, vha funaho. Huno arali muñwe muthu a tshi ni amba luvhi, ni mu ambe zwavhuði. Sedzani uri mudifho muhulwane u da hani kha inwi. Ni a vhona? Ndi zwone. Tshifhinga tshoþhe bindulani vhuvhi nga zwivhvuya, vhudzuloni ha vengo ni nee lufuno. Huno ni . . .

³⁸ Naa ni pfa ni khwine, mufunwa, musidzana a re murahu? Ndi zwavhuđi. Ndi a livhuha nga maanda. Ee. O tou humela murahu... O vha e vhutunguni o zwimba, huno Murena Yesu a mu vhuisa zwino a dovha a mu nekedza kha tshumelo. Hezwo ri a zwi livhuha nga maanda. Hezwo ndi zwe nda tutshela phuluphithi ngazwo, zwikhathi zwi si gathi zwo fhiraho. Vho ri vho "rabela vha dovha vha rabela, vha si kone u swikelela Murena."

³⁹ Zwino, ivhani na vhutanzi ha uri ni a zwi ita. Diimiseleni zwenezwo, kha Mudzimu. "Mudzimu, nga khathutshelo Yau, hezwo ndi zwine nda do ita." A hu na ndavha naho muñwe muthu a tshi amba vhuvhi; itani zwivhuya. Ni songo elekanya vhuvhi. Arali ni tshi elekanya vhuvhi, huno ha vha uri ni khou sokou zwi amba lwa muhoyo, zwenezwo—zwenezwo—zwenezwo ni khou khakha. Isani phanda na u dikumedzela kha Mudzimu u swikela ni tshi takalela nga maanda uyo muthu. Heyo ndi yone ndila ya u zwi ita. Zwenezwo vhudi ha phađutshedzo dza Mudzimu vhu do sokou, oo, vhu do sokou kuvhatedza myua wañu. Heyo ndi yone ndila ya u tshiila lwa gundo, zwenezwo a hu na tshitihu tshire tshi nga ni vhaisa ni tshi kha di vha lufunoni. Ndi zwone, inwi ni ri... Ni a vhona?

⁴⁰ "Arali ni na ndimi, dzi do tumuwa. Huno arali ni na vhutali, vhu do ngalangala. Vhuporofita, vhu do kundelwa. Fhedzi arali ni na lufuno, lu do dzula lu hone." Ni a vhona?

⁴¹ Huno ni songo funa fhedzi vhane vha ni funa, fhedzi funani avho vhane vha sa ni fune. Ngauri, zwi a leluwa kha nñe u funa muñwe muthu ane a mpfuna, fhedzi lingedzani u funa muñwe muthu ane a sa ni fune. Hafho ndi hone hune ni nga linga uri ni Mukriste, kana hai. Muñwe muthu ane a sa ni fune, huno naho zwo ralo, mbiluni yañu, ni vha fune. Zwino, arali izwo ni sa zwi iti, zwenezwo isani phanda na u kwambatela Mudzimu. Zwi hone, ngauri ndi a ñivha uri ndi Ngoho. Amene. Ndi a ñivha uri ndi Ngoho.

⁴² Zwino ri khou ya u vula Ipfi la thengo khulu, zwino, kha Bugu ya Vhaheberu, nahone ndima ya 11, u itela fhedzi Mulaedza mu—mupfufhi.

Ipfi langa li a hwasa, fhedzi ndo vha na masiari a mangadzaho ndi na vharathu na dzikhataldzi. Huno a tho ngo vhuya nda dzhena u swika i tshi todou rwa awara ya rathi. Huno ndo sokou gidimela lufherani nda gwadama phasi nga thungo ha vhulalo, lufherani lwa u edela, nda rabela zwikhathi zwi si gathi. Nda takuwa, huno nda dzhia Bivhili yanga nda thoma u vhala. Huno ndo vhona magazini u henehfala, nda u doba. Huno wo vha wo ñwalwa nga Tshivhuru, ngauralo a tho ngo kona u u vhala.

⁴³ Huno nga tshiñwe tshifhinga, ni tshi vhala, ni do ñangana na ipfi, huno ilo ipfi li thoma u tshila kha inwi. Heyo ndi ndila ine mufunzi a wana, mulaedza wawe. Ni tshi tou thoma u vhala,

ni tshi vhala Bivhili, tshinwe tshithu. Tshithu tsha u thoma tshine na tshi divha, ni ḥangana na tshithu, zwenezwo tshiñwe tsha ṭumekana na itsho tshinwe tshithu, tshiñwe tshithu tsha ṭumekana na itsho tshiñwe tshithu-vho. Zwenezwo, tshi taleleni, nahone ni ye phuluphithini ni zwi vhale. Mudzimu u do ita zwo salaho. Ni a vhona? U do londota zwo salaho.

⁴⁴ Zwino, nga tshiñwe tshifhinga ni sokou hwalea, u swikela ni tshi vhumba mihibulonyana ya mini, mvetamveto ḥukhu ya mihibulo ye na humbula. Nga tshiñwe tshifhinga ngomu kha tshumelo, hune na tea u da nga u ḥavhanya kha pułatífomo, iyo, vhalani mihibulo miṭuku yeneyo ye na vha nayo, Muya Mukhethwa u do ita uri zwi tshile hafhu kha inwi. Ndo zwi ita zwifhinga zwinzhi.

⁴⁵ Zwino Vhaheberu 11, kha ri vhale ndima ya 1, mathomoni, huno ri do vhala zwashu ndimana dzi si gathi.

Zwino lutendo ndi vhutanzi ha zwithu zwo fulufhelwaho, vhutanzi ha zwithu zwi sa vhonali.

Ngalwo vhahulwane vho vha na muvhigo wavhuđi.

Nga lutendo ri pfesesa zwauri madzhango o sikwa nga ipfi la Mudzimu, ngauralo zwithu zwi vhonwaho a zwo ngo itwa nga zwithu zwine zwa vhonala.

⁴⁶ Naa izwo a si zwa nthā? [Tshividzo tshi ri, “Amene.” — Mudzudzanyi.] Edzonu ri ndi vhale hafhu iyo ndimana ya 3. Thetshelesani nga vhuronwane.

Nga lutendo ri pfesesa zwauri madzhango o sikwa nga ipfi la Mudzimu, ngauralo zwithu zwi vhonwaho a zwo ngo itwa nga zwithu zwine zwa vhonala. (Ndi Ipfi la Mudzimu.)

Nga lutendo Abele o nekedzela Mudzimu tshithavhelo tshi fhiraho tsha Kaini, ngalwo o ḥanganedza vhutanzi ha uri o luga, Mudzimu a tshi ḥanzielna nga ha zwifhiwa zwawe: huno ngalwo . . . naho o no fa a amba.

Nga lutendo Enokho o shandukiswa uri a si vhone lufu huno a si wanale, ngauri Mudzimu . . . o mu shandukisa: ngauri phanda ha u shandukiswa o vha na vhutanzi, ha uri o takadza Mudzimu. (Na, madana maṭanu a miňwaha ya vhutshilo, hone-vho.)

Fhedzi hu si na lutendo a zwi konadzei u mu takadza: ngauri ane a da kha Mudzimu u fanela u tenda uri ndi ene, na zwauri ndi ene mupfufhi wa avho vhane vha mu ḥoda nga mbilu yothe.

Nga lutendo Noaxe, a tshi tsivhudzwa nga Mudzimu nga ha zwithu zwi sa athu vhonwa, a mu pfa, a fhaṭa gungwa u tshidza vha nn̄du yawe; nga . . . ngalo a laṭa shango, huno a vha muļaifa wa . . . u luga hune ha da nga — hune ha da nga lutendo.

⁴⁷ Zwino kha ri rabele lwa tshikhathinyana, nahone ri kotamise zwifhaṭuwo zwashu.

⁴⁸ Murena, Mudzimu washu wa Khathutshelo Khulusa na Khotsi, ri da zwino Vhuhoneni Hau, na ndivhuwo. Huno zwino a ri khou tou pfa fhedzi zwauri ri Vhuhoneni Hau ngauri ro kotamisa zwifhaṭuwo zwashu uri ri rabele, fhedzi ri tenda zwauri ri dzula ri Vhuhoneni Hau, ngauri, uri, “Maṭo a Murena a gidima ngei na ngei lifhasini loṭhe.” Huno U ḫivha zwithu zweṭhe, nahone U ḫivha mihumbulo ya mbilu.

⁴⁹ Ngauralo, Murena, tshine tsha ita uri ri kotamise zwifhaṭuwo zwashu, ndi u ita khumbelo heyi, ya uri U do ri hangwela milandu yashu yoṭhe na vhutshinyi he ra U itela, na zwauri tshilidzi Tshau tshi dovhe tshi fhiriselwe kha riṇe, u swika hune Iwe wa do vula milomo yashu uri i ambe, na ndevhe dzashu uri dzi pfe, na zwauri Ipfi ḥau li kone u vha ḥa vhukuma kha riṇe, madekwana ano; uri hedzi ndimana dzi si gathi dze ra dzi nanga u dzi vhala dzi vhe thuso khulwane kha murado muṇwe na muṇwe wa Muvhili Wau wo dzumbamaho kha lifhasi, Tshivhidzo Tshau tsha maya, Tshivhidzo tsha Tanzhe, itsho Tshivhidzo tsho rengwaho nga Malofha a Yesu, tsho ḥanzwiwaho nahone tsho kunakiswaho, huno tsha do nekedzwa kha Mudzimu nga ilo ḫuyha, tshi si na tshi soleaho kana makovhi. Ri U livhuha zwiḥulwane, u vha na lutendo lwa u tenda zwauri ri na mukovhe kha vhuthu ha Mudzimu, nga u luga na tshilidzi tsha Murena Yesu washu!

⁵⁰ Ndi tshi khou rabela zwino zwauri U do fhodza malwadze oṭhe. Ndi tshi U livhuha zwe wa kwama uła musidzanyana zwikhathi zwi si gathi zwo fhiraho, o lala kavhili lufherani ngomu heneḥhalā, nga vhutungu; u mu vthona a tshi bvela nn̄da, lutendo ulwo luṭuku lu no nga lwa ḥwana, nahone ri tshi U ḥanganedza na tshilidzi Tshau. Huno ri a U livhuha kha hezwi; nahone ri a rabela zwauri U do elelwa kwana ku funwaho kwa Khaladzi Baker henengei Kentucky, na avho vhe Murathu Neville a amba nga havho, na, O Mudzimu, gammabādzi sa vhalei dza vhalwadze, hoṭhehoṭhe. Nahone nga maanda-maanda, Murena, havho vha songo tshidzwaho nahone vha sa U ḫivhi; arali vha tshi do fela zwivhini zwavho, a vha nga do kona u da hune Wa vha hone.

⁵¹ Ri rabela uri U do ri nea vhuṭanzi na maanda, u amba Ipfi hu si na nyofho, na vhuṭali ha u ḫivha uri Li ambiwe lini. Huno zwenezwo ri vhudze musi ro no amba zwo no eḍanaho, uri ri kone u ṭuwa huno ri sie vhatthu who akhamala, vha tshi mangala, Muya Mukhethwa muhulwane na mushumo Wawe. Zwi tendele, Murena. Ri pfe zwino, ri a rabela, Dzinani ḥa Yesu ri a zwi humbela. Amene.

⁵² Ndi khou tama u amba lwa tshiffinganyana nga ha ḥohohya “zwipfi.” Ri a funzwa uri muthu wa ḥama u na zwipfi

zwițanu. Huno izwo zwipfi zwițanu zwi a mu—mu... Kana, Mudzimu o mu nea izwi zwipfi zwițanu, uri a kone u kwamana na haya hawe ha shangoni. Huno izwo zwipfi zwi divhea sa: u vhona, u thetshela, u kwama, u nukhedza, u pfa. Zwipfi izwo zwițanu, zwine zwa divhea kha muthu wa nama, huno ndi zwavhuđi. Huno ri nga si kone u shuma, kana u tshila vhutshilo ha vhukuma, musi tshiňwe tsha izwi zwipfi tshi sa shumi. U vhona hanu, u pfa, u kwama, u nukhedza, kana u thetshela, ri nga si kone u vha vha vhukuma ri si nazwo. Hu na tshiňwe tshithu tshine tsha khou tħabela, tshiňwe tshipiđa tsha vhutshilo tshine ri sa kone u tshi kwama, tshipfi itsho tshi sa shumi. Huno ndi zwavhuđi. Huno zwi na mushumo. Huno Mudzimu o ri nea zwone.

⁵³ Mudzimu o nea izwo zwipfi, fhedzi no newa zwone sa tshifhiwa. Huno zwi ya na nga uri inwi, zwine na zwi nekedzela khazwo, i do vha ndila ine vhutshilo hanu ha langiwa, ndila ine na nekedza izwo zwipfi zwițanu. Ni... Zwine na zwi vhona, zwine na zwi pfa, zwine na thetshela, na nukhedza, kana na kwama. Zwiňwe na zwiňwe zwine izwo zwipfi zwa nekedzelwa khazwo, zwi do ni langa.

⁵⁴ Huno ri livhuha Mudzimu ngauri ri na zwipfi zwițanu. Fhedzi a hu na iñwe ndila ye izwi zwipfi zwițanu zwa nekedzwa, kha inwi, uri zwi ni khade. No newa zwone uri ni kone u kwamana na liphasi. Fhedzi no newa tshipi tsha vhurathi, huno, itsho tshipi tsha vhurathi, ndi tsha Mukriste fhedzi. Huno ni nga si kone u vha na tshipi hetshi tsha vhurathi u swikela ni tshi vha Mukriste; ndi yone ndila i yothe ine ni nga kona u vha na zwi fhiraho zwipfi zwițanu zwa tsiko zwa muthu wa nama. Fhedzi, tshipi tsha vhurathi tshi divhea lwa vhukhwine, kha Mukriste, sa lutendo. Ndi tshone tshine tsha ni langa na u ni khada, huno ndi tsha nthesa kha zwiňwe zwipfi zweothe. Ndi tsha nthesa kha zwipfi zweothe, zwiňwe, zwipfi zwițanu.

⁵⁵ Zwino, a thi nga do ri ngauri ri tħanganedza tshipi tsha vhurathi zwipfi zwițanu a zwi tsha vha zwavhuđi. Ee, ndi zwavhuđi. Zwipfi izwo zwițanu zwo nekedzwa inwi nga Mudzimu, huno zwi tea u shumiswa. Fhedzi musi zwipfi zwițanu zwi tshi shuma u fhambana na Ipfi la Mudzimu, zwenezwo zwi a zwifha.

⁵⁶ Zwino, tshipi tsha vhurathi a tshi koni u zwifha. Ndi tshipi tsha nthesa. Huno hetsho ndi tshone tshine nda tħoda u amba nga hatsho. Matsheloni ano ndo amba nga ha: *Tshiga Tsha Nħħesa*. Huno madekwana ano nga ha: *Tshipi Tsha Nħħesa*.

⁵⁷ Huno tshipi tsha nthesa ndi Muya Mukhethwa, lutendo lwa Mudzimu lu dzulaho ngomu hanu. Huno arali ni tshi do tendela zwipfi zwițanu u langwa nga tshipi tsha vhurathi, tshi do ni khada nahone tsha qisra zwiňwe zwipfi zweothe nga fhasi ha ndangulo ya itsħo tshipi tsha nthesa. Ngauri tshi tou vha kule

n̄ha ha tshipfi tsha ɿama, sa izwo muthu wa maya e n̄ha ha wa ɿama. Tshi tou vha kule, n̄ha sa māađulu, nga n̄ha ha muthu wa ɿama na zwipfi zwawe zwītanu. Tshi ita uri ni tende zwithu zwine ni si kone u zwi vhona. Tshi ni ita uri ni shume hune ni si humbule uri zwipfi zwītanu zwi nga vhuya zwa elekanya nga hazwo. Diabolo u a kona u dzhena kha izwi zwipfi zwītanu huno a ni zwifhela, fhedzi a nga si kone u kwama itsho tshipfi tsha n̄thesa. Hetsho a nga si tshi swikelele. Tshi bva ha Mudzimu. Tshi vhidzwa lutendo. Lutendo ndi itsho tshithu tshihulwane.

⁵⁸ Huno zwipfi zwītanu a zwi langi tshipfi tsha vhurathi, fhedzi tshipfi tsha vhurathi tshi langa zwipfi zwītanu. Tshipfi tsha n̄thesa tshi langa zwipfi zwa ɿama. Huno zwi—zwipfi zwītanu ndi u vhona, u thetshela, u kwama, u nukhedza, u pfa. Huno tshipfi tsha n̄thesa ndi tshiñwe tshithu tshine tsha do ita uri ni tende Ipfi la Mudzimu, ngauri iło ndi tshone tshithu tshi tshothe tshine tsha do amba nga hatsho. Tshi do ni ita uri ni tende zwithu zwine ni sa kone u zwi vhona, u zwi thetshela, u zwi kwama, u zwi nukhedza, kana u zwi pfa, ngauri tshi do dzhia Ipfi la Mudzimu. Huno tshi do swikisa iło Ipfi kha inwi, nahone tsha ni ita uri ni tshimbile lwo fhambanaho na tshiñwe tshithu-vho tshi re hone nga nn̄da ha Ipfi la Mudzimu, nga lutendo. Lutendo lu a zwi ita.

⁵⁹ Zwino, nga u nea tshifanyiso itshi, tsha zwipfi, muthu wa ɿama o bebwa na hezwi zwipfi, ngauri ndi zwipfi zwo newaho nga mupo. Huno itsho zwa vhukuma ndi tshone tshithu tshi tshothe tshine a do ɿivha nga hatsho, ngomu ngelekanyoni yawe. U kona u elekanya fhedzi sa muthu. U kona u vhona sa muthu. U kona u ɿalukanya sa muthu. U kona u pfa sa muthu. Fhedzi musi a tshi vha wa u langiwa, kana wa u shanduka, kana ri do zwi vhidza “u bebwa hafhu,” zwenezwo itsho tshipfi tsha vhurathi, tsha n̄thesa tshi a mu langa. Nga u ita ngauralo, itsho tshipfi tsha n̄thesa tshi a mu takula tsha mu isa fhethu hune a vha na lutendo lwa u tenda zwithu zwe a si kone u zwi pfa, zwithu zwe a si kone u zwi vhona, ɿalukanyo dze a si kone u dzi talukanya. U a zwi tenda, naho zwo ralo, ngauri u langiwa nga tshipfi tsha vhurathi, itsho tshipfi tsha n̄thesa. Oo, zwi mangadza hani u zwi ɿivha, na u elekanya uri zwi leluwa hani u zwi tenda!

⁶⁰ Zwino, a ni koni u zwi tenda u swikela ni tshi shandukiswa. Bivhili yo ralo, “A hu na muthu a konaho u vhidzelela uri Yesu ndi Kristo, ndi nga Muya Mukhethwa fhedzi.” Ro no zwi funza, heyo vhege yo fhiraho. Huno yo vha tshikhukhuliso tshihulu, nga maanda-maanda kha vhathu vha tendaho vha Pentekostała, musi vha tshi mpfa ndi tshi amba izwo. Yesu o ri, kha Yohane Mukhethwa 5:24, “Ane a pfa Ipfi Łanga, huno a tenda kha We a Nthuma, u na Vhutshilo Vhu Sa Pheli.” Vhutshilo Vhu Sa Pheli vhu bva ha Mudzimu, fhedzi. “Huno a hu na muthu ane a nga ri Yesu ndi Kristo, nga nn̄da ha Muya Mukhethwa.”

⁶¹ Ni khou tou dzhia zwe muñwe muthu zwawe a amba, zwe na guda nga ḥhalukanyo, zwe na guda nga mupo, zwipfi zwiṭanu. Fhedzi musi tshipfi tsha vhurathi tshi tshi dzhena, Muya Mukhethwa, U dzhia ngelekanyo dzothe dza izwi zwipfi zwa rathi nahone... zwipfi zwiṭanu. Huno zwi a ni takula zwa ni džhenisa kha tshipfi tsha vhurathi, u ni ita uri ni tende zwithu zwine ni si kone u zwi vhona, u zwi thetshela, u zwi kwama, u zwi nukhedza, kana u zwi pfa. Tshi ita tshiñwe tshithu kha inwi! Zwenezwo ni a kona uri Yesu ndi Kristo, ngauri no zwi vhona. A si zwe pfunzo ye ḥhalukanyo ya ni funza, fhedzi zwe na tshenzhela!

⁶² “Naa tshipfi tsha vhurathi tshi khou ya u itani-ha, Mukomana Branham? Ndi ngani tshipfi tsha vhurathi tshi tshi da?”

⁶³ Tshipfi tsha vhurathi tshi dela hezwi. Zwino, tshipfi tsha vhurathi ndi lutendo, tshipfi tsha nthesa. Zwino arali... Tshipfi tsha vhurathi tshi dela hetshi fhedzi, tshe tsha vha, u ita uri zwipfi zwiṭanu ngomu hanu zwi hane tshiñwe na tshiñwe tsho fhambanaho na Ipfi la Mudzimu. Hezwo ndi zwine tshipfi tsha vhurathi tsha dela zwone. Luñwalo lu amba nga ha “u tsitsela dzinglekanyo phasi.”

⁶⁴ Zwi-zwipfi zwiṭanu zwi do, ni nga elekanya, “Ndi zwone, zwino, ndi ngani uyu munna a tshi tea... U, ndi ngani a tshi...?”

⁶⁵ Fhedzi tshipfi tsha vhurathi a tshi koni u vhona izwo na khathihi. Tshi phandesa khazwo! Tshi nt̄ha nga maanda u fhira zwine tsha vha zwone, u swikela tshi si tsha vha na dzinglekanyo, na khathihi, nało. “Ri a zwi tenda.” Tshi fhira kule tshiñwe na tshiñwe tshire zwipfi zwiṭanu zwa do amba nga hatsho. Zwino dilugiseleni tshumelo ya phodzo. Ni a vhona? “Ri a zwi tenda.” Ni tshimbila nga itsho tshipfi tsha vhurathi. Ni amba nga itsho tshipfi tsha vhurathi. Ni tshila nga itsho tshipfi tsha vhurathi. Ni fa nga itsho tshipfi tsha vhurathi, huno ni vuwa nga itsho tshipfi tsha vhurathi. Tshipfi its ho tsha nthesa, tshiñwe tshithu tshi re ngomu hanu, hetsho tsho fhambana na zwine muthu wa q̄ama a vha zwone.

⁶⁶ Muthu wa q̄ama u na hezwi fhedzi, huno zwo luga arali zwi tshi nga vhewa nga phasi ha ndangulo ya tshipfi tsha vhurathi. Arali muhumbulo wa q̄ama u tshi ri, vhalani Ipfi la Mudzimu, huno wa ri, “Ilo ndi Ipfi la Mudzimu,” u khou amba Ngoho. Fhedzi arali u tshi vhala, huno wa ri, “A si Ipfi la Mudzimu lothe.” Kana-kana, “Tsho vha tshi tshiñwe tshithu. Tsho vha, nga tshiñwe tshifhinga, fhedzi zwino A si tshone.” Zwenezwo its ho tshipfi tsha vhurathi tshi a dzhenelela, tsha ri, “Ndi onoula wa mulovha, q̄amusi, na u ya nga hu sa fheli.” Ni a vhona, heyo ndi phambano.

⁶⁷ Ndi zwine ngazwo vhathu vhanzhi vha kundelwa u fhola. Vha khou lingedza u da vhe na thalukanyo. Vha ri, “Oo, ndi—ndi ita *hetshi*, kana ndi tenda *hetshi*, na zwiñwe-vho.”

⁶⁸ Fhedzi arali itsho tshipfi tsha vhurathi tshi tshi khou amba izwo, zwenezwo a hu na tshine tsha do vha bvisa kha tshipfi itscho tsha vhurathi. Tshipfi tsha vhurathi tshi da, kha muthu, u mu ita uri a hane tshinwe na tshinwe tsho fhambanaho na Ipfi la Mudzimu. Tsumbadwadze iñwe na iñwe, tsumbadwadze iñwe na iñwe yo fhambanaho na pfulufhedziso ya Mudzimu, tshipfi tsha vhurathi tshi ri a iho, arali hu Mukriste o bebwaho hafhu.

⁶⁹ Huno tshithu tsha u thoma tshine na tea u ñivha, muñwe muvhí, mudzia-u-sa-tenda, u a da kha Mukriste, huno a ri, “Zwino vhonani hafha, a hu na tshithu tshi no pfi Muya Mukhethwa. No tou khakha, kha helo. No ḥanganā ḥoho, arali ni tshi tenda tshi no nga Hetsho. A hu na tshithu tshi no nga Itsho.”

Itsho tshipfi tsha vhurathi tshi tou ya thwii u shuma.

⁷⁰ “Edzonu ri ndi ni sumbedze, Bivhilini, hune ni nga si kone u tanganedza Muya Mukhethwa. Ni a vhona, ndi nga ni sumbedza hafha he vhafunziwa vha U wana, fhedzi—fhedzi ndi . . .”

⁷¹ “Zwo luga,” inwi ni ri, “sedzani,” huno tshipfi tsha vhurathi tshi do ni sumba, tsha ri, “fhedzi O ri, ‘Pfulufhedziso ndi yanu, kha vhana vhañu.’”

⁷² “Ndi zwone, hezwo zwo ambelwa vhana *vhavho* henengei. Hezwo a zwo ngo ambelwa inwi. A si zwañu.”

⁷³ Fhedzi itscho tshipfi tsha vhurathi tshi ñivha zwa khwine. Mulandu? Tsho no di vha ngomu hanu. Vho amba tshifhinga tsho no ḥuwesa. No no Tshi ḥanganedza.

⁷⁴ Vhatu vho ambaho, zwauri, “A hu na tshithu tshi no nga Muya Mukhethwa,” a vha ñivhi zwine vha khou amba.

⁷⁵ Unga mutukana, musi muñwe, a tshi khou swotola apula. Huno o vhudzisa nga muvhí, a tshi khou ḥata khani, tshumeloni. O ri, “Ni ḥoda mini? Ni ḥoda mini fhano?”

⁷⁶ A ri, “Ndi ḥoda u ni vhudzisa mbudziso,” musi a tshi khou la apula nahone a tshi kou diphina ngalo. Muthu a sa dini, a tshi vhonalá sa muthu wa mikhwa mivhi, mavhudzi o nembelela tshifhañuwoni tshawe, o kulea iño ḥithihi, la phanda, nahone o ambara badzhi ya ovarolo ya kale ya tshika. A ri, “Ndi mbudziso nthihi ine nda ḥoda u ni vhudzisa.”

⁷⁷ Muvhí u kha di bva u ri, “A hu na tshithu tshi no pfi Mudzimu. Ndi vhudzifa fhedzi. Hu na vhutsilu khazwo, ndi zwenezwo fhedzi zwine zwa vha zwone.”

⁷⁸ Huno mutukana a ri, “Ndi ḥoda u vha vhudzisa mbudziso, vhokhotsi. Naa ili apula li a ñifha kana li a dunga?”

A ri, “Ndi nga zwi ñivha haní? A thi khou li la.”

A ri, “Hezwo ndi zwe nda elekanya,” a humela murahu.

⁷⁹ Ni zwi ḋivha hani, musi ni sa athu thetshela Murena? Ni zwi ḋivha hani, musi ni sa athu vhuya na ṭanganedza Muya Mukhethwa, uri kana U hone kana Haho? Ni zwi ḋivha hani hune ha vha na lutendo na maanda? Ni zwi ḋivha hani uri a hu na “dakalo li sa ambei nahone lo dalaho vhugala,” musi ni sa athu thetshela, u li vhona? Tshipfi tsha vhurathi tshi ni khadela KHALO. Tshipfi tsha vhurathi tshi a LI dzumbulula kha inwi.

⁸⁰ A hu na maanda a ṭhalukanyo, na khathihhi, ane a nga vhuya a ni disela Lone. Maanda a ṭhalukanyo a do elekanya, huno a ri, “Malandu, ndi ndivho ya muhumbulo. Ndi tshiñwe tshithu siani heli. Huno ndi vhudipfi, vhu re kha vhathu.”

⁸¹ Fhedzi musi tshipfi tsha vhurathi tshi tshi dzhena, tshi hana izwo zwithu zweghe, huno tshi kokodzela muthu thwii marumbini a Mudzimu. “Ane a da kha Mudzimu u fanelu u tenda zwauri ndi Ene, nahone u pfufha avho vhane vha Mu ṭoda nga mbilu yothe.” Nga lutendo! Nga lutendo, Abrahamu! Nga lutendo, Isaka! Nga lutendo, Yakobo! Vhothe nga lutendo! Ndi tshipfi tsha vhurathi tshi no zwi ita. Tshipfi tsha vhurathi tshi hana tsumbadwadze dzothe, tsumbadwadze dzothe, tshiñwe na tshiñwe tsho fhambanaho na Ipfila Mudzimu, u nyanyuwa huñwe na huñwe, vhudipfi.

⁸² Muñwe muthu u ri, “Oo, ndi zwone, ndo rabelelwa, fhedzi a thi khou pfa vhukhwine.”

⁸³ Tshipfi tsha vhurathi tshi nga si vhuye tsha kondelela hezwo. Tshipfi tsha vhurathi tshi do ri, “Ndi mazwifhi. Ndi pfa vhukhwine. Ndi khou fhola. Mudzimu o ralo, zwi a li ladza. Amene. Mudzimu o ralo.” Tshipfi tsha vhurathi tshi fushwa fhedzi nga Ipfila Mudzimu.

⁸⁴ Tshipfi itsho tsha nthesa, ndi tsha nthesa, tshi nthha ha zwipfi. Ndi tshipfi tshihulwane. Ndi lutendo. Ndi maanda ane a dzikusa nahone a tshimbidza. Amene. Ndi tshiñwe tshithu tshine tsha ni ita uri ni ite zwithu zwe na sa vhuye na elekanya uri ni do ita. Ndi tshipfi tsha vhurathi, tshipfi tsha nthesa.

⁸⁵ Ni a rabelelwa. Kha ri ri ni na—na tshanda tsho holefhalaho huno na rabelelwa, tshanda tshanu, ni da henengei na tenda uri Mudzimu u ya u ni fhodza. Vhafunzi vha a ni rabelela, na humela murahu. Muthu wa kale wa ñama u do amba hezwi, “A ni pfi hu na tshanduko kha itscho tshanda. A ni khwine kha zwe na vha ni zwone.” Fhedzi tshipfi tsha vhurathi tshi a da, huno tsha ri, “Hayo ndi mazwifhi. No no rabelelwa. Zwo fhela.” Amene.

⁸⁶ U fana na musadzi we a da tshumeloni yashu nga tshiñwe tshifhinga. Huno vha da tshumeloni yashu, vhe vhavhili. Vha buda puñatifomo. Vho vhona zwiphiri zwi tshi bviselwa khagala. Avho vhasadzi vho vha who tou—tou milwa. Vhothe vho vha vhe Vhakriste vha vhukuma. Muñwe a da, huno Muya wa da wa ri, “Ni khou lwala dangani.”

Huno tshifhatuwo tshawe tsha bonyolowa. Huno a ri, “Hezwo ndi ngoho.”

⁸⁷ Huno Muya Mukhethwa wa amba na nne, wa ri, “Huno ndi tshilonda tsha dangani. Tshi vhangwa nga mbilaelo. No thathuvhiwa nga muñwe maine. Huno o amba uri ni nga si kone... No tea, yawee, no vha no tea u itwa muaro, u tshi bvisa.”

A ri, “Ipfi linwe na linwe la izwo ndi ngoho.”

⁸⁸ Zwenezwo, ngauri o vha e mutendi muhulwane, Wo mbo ri, “Dzina lanu ndi Mme *Mukeneñene*. Ni bva hukeneñene, nahone fhethu hukeneñene.”

O mbo ri, “Hezwo ndi ngoho.”

⁸⁹ Ho vha hu mini? Tshipfi tsha vhurathi tshi tshi khou zwi pfesesa. Tshipfi tsha vhurathi na Muya Mukhethwa zwo vha zwo ima tsini na tsini. Muya Mukhethwa wo vha u tshi khou amba, tshipfi tsha vhurathi tshi tshi khou ri “amene.” Khezwo. Hu tea u itea tshiñwe tshithu.

⁹⁰ Musi Mariña o no gidimela nn̄da u ḥoda Yesu, nahone musi o ri, “Murena!” Lavhelesani tshipfi tsha vhurathi. “Arali Wo vha u fhano, khaladzi anga o vha a tshi ḥo vha a songo lovha, fhedzi na zwino, tshine Wa humbela Mudzimu, Mudzimu u ḥo U nea tshone.” Khetsho tshipfi tsha vhurathi.

⁹¹ Yesu O qidzudzanya, a ri, “Ndi nne mvuwo na Vhutshilo. Ane a Ntenda, naho o lovha, u ḥo tshila. Ane a tshila huno a Ntenda a nga si lovhe. Izwi ni a zwi tenda naa?”

⁹² Naa ni ḥo ri mini, ni ḥo elekanya? Hu na munna khoula o lala phasi, o lovha, huno mbungu dici khou tshimbila khae.

⁹³ Fhedzi U kha di bva u fhedza u amba uri ndi Ene mvuwo na Vhutshilo. Heļo ndi Ipfi la Mudzimu. Tshipfi itsho tsha vhurathi, tshi fhira ndondolo ya maine, tshi fhira mihumbulu ya ḥodisiso ya saints. Tshi hanedza zweþhe. Tshi hanedza ngelekanyo dzoþhe, tsha dici kudza phasi. Mulandu? Tshi ḥanzilela Ipfi la Mudzimu. “NDI NNE. A si nne ‘Ndi do vha, Ndo vha ndi.’ Ndi NNE zwino. Ndi nne mvuwo na Vhutshilo,” Muthu. “Ane a tenda kha Nne, naho a tshi fa, fhedzi u ḥo tshila. Huno a tshilaho nahone a tshi Ntenda a nga si fe na khathihi. Naa izwi ni a zwi tenda?” O ralo.

⁹⁴ “Ee, Murena,” tshipfi tsha vhurathi, “Ndi a tenda uri U Murwa wa Mudzimu ane a tea u ḥa shangoni.”

“Khaladzi yanu u ḥo dovha a vuwa.” Yawee, nñenñe!

⁹⁵ Vha ya tshaloni. Vhuvhili havho, vhe vhoþhe, tshiñwe tshithu tsha tea u itea. Hetsho tsho vha tshi tshipfi tsha nñhesa, na Mudzimu e hone, tshiñwe tshithu tsha tea u itea. Tshipfi tsho vha tshi tshipfi tsha nñhesa, ho vha hu Mudzimu. Ho vha hu na Tshiñwe tshithu tshi vhudzaho Mariña hezwo. O Mu vhona. O vha a tshi Mu ñivha. O Mu vhona uri ndi ene Mutshidzi. Huno

o zwi ḋivha, arali o vha a tshi nga kona fhedzi u ya Khae, arali o vha a tshi nga kona fhedzi u da tsini Hawe nahone a vhiga mulandu, a tou pfa fhedzi pfulufhedziso nthihi i bvaho kha Ene. Ndi zwenezwo fhedzi zwe a ṭoda. Musi A tshi ri, “Ndi nne mvuwo na Vhutshilo! Ane a Ntenda, naho a tshi fa,” ndi zwenezwo fhedzi zwe Mariṭa a ṭoda u zwi pfa, zwenezwo fhedzi zwe a ṭoda. Ngauri, tshipfi tsha vhurathi, tshipfi tsha nthesa, lutendo lwawe, lwo vha lu tshi mu dededza u Mu ḥanzielela, u Mu tenda.

⁹⁶ Musadzi hoyu, musi a tshi ḫutshela pulatifomo, ho vha hu na MURENA U RALO. “Iyani hayani ni le. Yesu Kristo u a ni fhodza.” A ya hayani.

⁹⁷ Vhusiku honoho, khonani yawe, a dzulaho afho tsini, o vha e wa vhuraru kana wa vhuna murahu hawe. Huno o vha e na bundu mutsingani wawe. Huno khoyu u khou da, o nyanyulea tshothe nga hezwi, muhura wawe o vha a tshi khou ya u fhola tshilā tshilonda tsha dangani tshe tsha mu dzindela nga maanda. Heyo yo vha i inwe kha nzulele dza maḍana, zwigidi zwadzo. Huno ili bundu līhulu lo bvela nnnda mutsingani wawe, huno a da. Nda ri, “A hu na we a vha a tshi ḫalukanya helo, fhedzi no takala maelana na tshiñwe tshithu. No nyanyulea, ngauri ula musadzi o dzulaho hangei ndi muhura waṇu.” Muya Mukhethwa!

⁹⁸ A elekanya, “Zwi da hani shangoni uri ula munna a kone u ḋivha izwo? Hu tea u vha na Tshiñwe tshithu tsha u zwi dzumbulula khae.”

⁹⁹ Ngauralo musi izwo zwo ambiwa, Wa ri, “Ni khou elekanya nga ha mutsinga waṇu.”

“Ee.”

“Ni a tenda uri li do ḫuwa?”

“Ndi a zwi tenda,” a ralo, “nga mbilu yanga yoṭhe.”

¹⁰⁰ Nda ri, “MURENA U RALO. Iyani hayani huno ni do ḫanganedza phodzo yaṇu.”

¹⁰¹ Muthu wa nama a sedza thungo dzoṭhe huno a si kone u vhona tshiga. Musadzi a re na tshilonda dangani a ya hayani a lingedza u la, nahone, nñenñe, o vha a tshi funa u fa. Yawee, muthu wa ñama, tshipfi tsha nama, vhudipfi ho di isa phanda na u ḫanzilela uri tshilonda tsha dangani tshi kha di vha hone.

¹⁰² Ngauralo nga murahu ha musi vhege nthihi kana mbili dzo no fhela, o ya a budekanya muđi wa tsini, kha vhathu vha hawe tshivhidzoni, a tshi khou ḫanzilela, “Murena o mphodza.”

Huno vha ri, “Ni khou la zwino?”

¹⁰³ “Hai, hu si zweṭhe thwii zwine nda ṭoda. Fhedzi,” a ri, “Ndo no di fhola, ngauri nga ntho Dzawe ndo fhola.” A hu na ndavha uri ho vha hu mini, o vha o fhola, naho zwo ralo.

¹⁰⁴ Huno nga mañwe matsheloni, vhana vho no di ya tshikoloni, a mbo farwa nga ndala vhukuma. O vha o ima, a tshi khou

ṭanzwa ndilo, tsini na fasiṭere. A da tshumeloni, iñwe tshumelo nga murahu ha tshifhinga tshi ṭodaho u lingana የwaha. Huno o vha a tshi khou ṭanzwa ndilo, nahone musi o, tsha u thoma, o pfa vhudipfi vhu songo ደweleaho vhu tshi da khae. Huno a elekanya, “Itsho tsho vha tshi tshini? Nda pfa unga ndi ṭoda u zhamba.”

¹⁰⁵ Huno munna wawe o mu vhudza, a ri, “Mufunwa, ni litshe u amba nga ha iyo phodzo,” a ri, “ngauri,” naho o vha e Mukriste, a ri, “ni khou ḥisa lunyadzo kha Tshumelo.”

¹⁰⁶ Ni nga ḥisa hani lunyadzo musi ni tshi khou ṭanziela Ipfi Ḳawé? Ni ḫo ḥisa lunyadzo arali ni sa Li ṭanziela.

A ri, “Arali no fhola, no fhola.”

¹⁰⁷ A ri, “Uyo munna a ima huno a ntsedza ngomu iṭoni, huno a mmbudza nzulele dzanga na zwithu zwe nda ita, na zwe nda vha ndi zwone, na hune nda bva.” A ri, “A tho ngo vha tshifhaṭoni miniti dza fumiṭhanu, musi a tshi da pulatifomoni. Zwi da hani shangoni uri uyu munna a ḏivhe izwo? A thi athu mu vhona vhutshiloni hanga. Huno o mmbudza, ‘MURENA U RALO. No fhola.’” Huno a ri, “Ndi ḫo zwi tenda u swika ndi tshi fa.” A ri, “Ndi ḫo zwi tenda, naho zwo ralo.” Ngauralo, ene, na murathu wawe, na khonani, vho vha na mulanga na Mudzimu, wa uri vha ḫo kwambatela ulwo lutendo.

¹⁰⁸ Nga matsheloni ayo, o vha na vhudipfi vhu kanukisaho vhukuma. Huno, lwa miniti i si gathi, a farwa nga ndala. Ngauralo vhana vho sia outsu ndiloni, ndilwana; huno a ri tshifhinga tshoṭhe outsu yo vha i tshi mu fhisa. Arali muñwe muthu o vhuya a vha na tshilonda dangani, ni a ḏivha zwine tsha vha zwone. Huno a hovhelela a ṥa nyana outsu. “Yawee, nnenñe,” a ri, “Ndi ḫo tea u i badelela, ndi a tenda, fhedzi nga ḥinwe la haya mađuvha ndi ḫo luga tshoṭhe.” Fhedzi o limuwa zwauri o vha a tshee na ndala, ngauralo a fhedzisa ndilo. A lindela miniti i si gathi, u vhona zwe zwa itea. A hu na tsho iteaho; a pfa e wavhuđi, a kha ḫi vha na ndala. A dikadzingela makumba a re na tshivhalo, huno a ḏishelela khaphu ya gofhi, huno a wana tshinnkwa tsho gotshiwaho, huno a vha na tshimima vhukuma. A ṥa zwe a kona u zwi ṥa. A isa phanda, a tshi khou ṭanzwa dzindilo. Huno nga murahu ha tshifhinga tshi ṭodou linganaho awara na hafu, a pfa ndala hafhu. Hu si na zwo vhangwaho nga dwadze.

¹⁰⁹ A ambara muñadzi wawe muñuku, huno a tsa nga ndila, a dzhena nduni ya uyu muhura. Huno musi o no swika afho, a pfa, a elekanya uri khamusi ho vha hu na lufu muñani. Vho vha vha tshi khou zhamba, nahone vha tshi ṭavha mukosi, nahone vha tshi monamona. Musadzi o vha o lenga u vuwa ayo matsheloni, huno a vuwa, a tshi khou ṭoda bundu le la vha li kha mutsinga wawe, huno ḥo vha ḥo ngalangala vhusiku. Ho vha hu mini? Mudzimu o vha a tshi khou shuma.

¹¹⁰ Hafha kha Thaberenakele ya Cadle, musi ro vha ri na ila tshumelo. Ula mutukana o daho heneffo, o rabelelwa. Vhunzhi ha vhoiwi no vha ni henengei u mu vhona. Vho mu vhuisa ngomu lufherani lwa shishi. Billy a nnyisa khae. Vho vha nae pulatifomoni masiku mararu kana masiku mana, kana kha... ngomu kha tshifha. Ho ngo wana gara ya u rabelelwa, ngauralo vho mu dzenisa lufherani lwa shishi. Ndo dzhena heneffo huno nda mu rabelela. Nda mu lavhelesa. A ri, “Vho-Branham, vha nga kona u nnea khuthadzo?”

Nda ri, “Ee, muñe wanga, murwa. Pholio yo ni disa fhano.”

A ri, “Ndi zwone.”

¹¹¹ Nda ri, “Dzina lañu ndi mukeneñene. Ni bva huñwe fhethu.”

“Ndi zwone,” a ralo. A ri, “Mini-ha nga ha phodzo yanga?”

Nda ri, “No fhodzwa nga ntho Dzawe.”

¹¹² A ya hayani, a tshi khou ñanziela, a tshi khou ñea Mudzimu thendo. Huno o disa lunyadzo lungafho, vha ralo, heneffo tsini, u swika nga iñwe Swondaha tshigwada tsha vhafunzi tshi tshi dzhena tsha dzula fhasi tsini hawe, huno tsha ri, “Ni fanela u litsha u ita hezwo. Ni khou disa lunyadzo kha Tshumelo.”

¹¹³ Huno muñannga o dzulaho afho, a ri, “Vhokhotsi, arali vho vha vho dzula hune nda vha hone, arali vho vha vhe tshidulomi tshe nda dzula khatsho, vho vha vha si nga do lingedza u mphura fulufhelo la u fhedzisela line nda vha naño, kha Kristo.” A ri, “Ndo fhodzwa nga ntho Dzawe.” Huno ho ngo tsha amba u fhira afho... O dzula heneffo, milenzhe yo omelela, zwanda, muvhili, na muñana. Huno ho ngo amba u fhira afho, huno a takuwa tshiduloni a tuwa, a tshi khoda Mudzimu.

¹¹⁴ Mini? Zwipfi zwawe zwa tsiko zwe ri u do dzula heneffo; maine o ri u do vha heneffo u ya ho ya, kana vhutshiloni hawe hothe. Fhedzi tshipfi tsha vhurathi tshi ri, “Ndo fhodzwa nga ntho Dzawe.” Huno ho ngo vha na mushumo na... Ndi u pandela tshinwe na tshinwe tsho fhambanaho na zwe Mudzimu a amba. Ndi zwine tshipfi tsha vhurathi tsha shuma.

¹¹⁵ Mukalaha John Rhyn, hu si R-y-a-n, kana R-h-y-n. Havho vho vha vhe muhumbeli wa bofu ngei Fort Wayne, ro ya henengei ilo duvha huno vha rabelelwa tshumeloni. Ho vha hu vhusiku ha musi piano i sa athu tamba, “Nanga khulwane zwino i tsini,” hu si na muthu khayo. Huno musi vho vha vhe bofu, vho vha vhe vha Mukañolika, nga lutendo. Huno vha—vha ima mudubani, huno nda vha lavhelesa. Huno nda ri, “Dzina lañvo ndi mukeneñene, John Rhyn.”

“Ee.”

“Vha muhumbeli fhaña guñani. Vho vha bofu, miñwaha.”

“Ee. Ndi zwone.”

“Vha Mukañolika, nga lutendo.”

“Ndi zwone.”

¹¹⁶ Nda ri, “MURENA U RALO. Kha vha ḥanganedze phodzo yavho.”

Vha ri, “Ndi a livhuha, muṇe wanga.”

Nda ri, “Kha vha livhuhe Murena.”

Vha ri, “Fhedzi a thi koni u vhona.”

Nda ri, “Hezwo a zwi na mushumo. Vho fhola.” Huno vha ri...

¹¹⁷ Vha tsela fhasi, na vhone. Vha vha thusa u bva pułatifomoni. Muthu wa nama ho ngo kona u vhona tshithu. A vho ngo kona u vhona mvelele kha izwo, na khathihi. “Mulandu,” vha ri, “u tou vha bofu sa zwe a vha e zwone.”

¹¹⁸ Ngauralo khonani dzavho mbili dzo vha vhuisa huno dza vha vhea hafhu mudubani wa thabelo, huno dza dovha dza gidima navho. Howard o vha tendela u fhira. Musi vha tshi dovha u vhuya, vha ri, “Vhokhotsi, vho mmbudza zwauri ndo fhola.” Nda ri, “Vho mmbudza zwauri vho ntenda.”

¹¹⁹ Vha ri, “Ndi a vha tenda. A thi na mbuno dzi no ita uri ndi songo vha tenda.” Vha ri, “Vho mmbudza zwithu zwothe vhutshiloni hanga.” Huno vha ri, “A thi ḫivhi zwine ndi nga ita.” Vha ri, “Ho vha hu na musadzi murahu hangei, a tshi khou ḥanziela. Huno o vha e na vhulwadze ha gulokulo, miniti i si gathi yo fhiraho, huno ho ngalangala.”

¹²⁰ Nda ri, “Zwenezwo, arali vha tshi ntenda, ndi ngani vha tshi khou mmbudzisa? Ndi khou vha vhudza Ipfi la Mudzimu.”

¹²¹ Vha ri, “Ndi tshini tshine nda tea u ita, muṇe wanga?” Vha tshi ḫivha zwauri vho vha vhe Mukatolika, na uri vha tea u vha na tshinwe tshithu tshi vhonala ho tshine vha nga kona u tshi fara, nda ri, “Kha vha ise phanda na u ḥanziela. ‘Ndo fhodza nnga ntho Dzawe,’ huno vha Mu nee thendo.”

¹²² Mukalaha, vhegeni mbili dzo tevhelaho, kana tharu, vho ima gdani huno vha rengisa mabammbiri. Vho vha vha tshi vhidzelela, “Zwihi! Zwihi! Kha vha rende Murena! Ndo fhola! Zwihi! Zwihi! Kha vha rende Murena! Ndo fhola!”

¹²³ Musi vha tshi ḫa tshumeloni vhusiku vhu tevhelaho, a tho ngo kona u rera, nga mulandu wavho. Vho vha vha tshi takuwa vha vhidzelela, “Muṇwe na muṇwe kha fhumule! Kha vha rende Murena, nge a mphodza! Kha vha rende Murena, nge a mphodza!” Sa Mukatolika, a vho ngo ḫivha ndila ya u kwambatela lutendo, fhedzi vha a zwi ḫivha zwauri arali vho isa phanda na u zwi amba, nahone vho isa phanda, vha isa phanda, vha isa phanda, u swikela itsho tshipfi tsha vħurathī tshi tshi ḫo shuma. Ndi zwone. “Kha vha rende Murena, nge a mphodza!”

¹²⁴ Vho vha vho ima guđani, vha tshi vhidzelela, “Kha vha rende Murena, nge a mphodza! Zwiħulu! Kha vha rende Murena, nge a mphodza!”

¹²⁵ Huno vho do tshimbila nga tshiṭaraṭa. Huno musi muñwe muthu a tshi fhira, a ri, “Vho vuwa hani, vho-John?”

¹²⁶ “Kha vha rende Murena, nge a mphodza! Zwo luga.” Huno vha vha sea, nahone vha tamba ngavho.

¹²⁷ Huno muñwe ramafhungo muṭuku a vha isa fhethu hu ḥunywaho mavhudzi, u vheulwa, nga murahu ha tshifhingga tshi no ḥodou vha vhege mbili kana tharu, tshe ha vha na tshumelo. Huno muṭunyi a vha dzudza tshiduloni, a vha ḥukadza tshifhaṭuwo. Huno a ri, “Vho-John,” vha ri, “Ndi a pfeſesa...” Mudzia-u-difhima muṭuku, huno a ri, “Ndi a pfeſesa zwauri vho vha vho ya u vhona mufhodzi Mukhethwa musi...” [A hu na tshithu kha theiphi—Mudzudzanyi.] “...hafha.”

Vha ri, “Ee, ndo ya.”

¹²⁸ A ri, “Ndi a pfeſesa zwauri vho fhola,” u tou tamba ngavho.

¹²⁹ Huno mukalaha vha ri, “Ee. Kha vha rende Murena! O mphodza!” Huno maṭo avho a bonyolowa. Vha takuwa kha itsho tshidulo tsha muṭunyi vha ḥuwa, vho kapea thaula kha mutsinga wavho. Muṭunyi a tshi khou lingedza u vha fara, e na luare tshandani tshawe, huno vha tsa nga tshiṭaraṭa. Mulandu? Ipi la Mudzimu lo shuma.

¹³⁰ Georgie Carter muṭuku o lala fhasi henengei, ane noṭhe na mu ḥivha. Vhanwe vhathu vha fhano, tsini. O lala henengei miñwaha ya ḥahe na miñwedzi ya malo, o vha a sa koni u ita tshithu nga nn̄da ha u kokodza lagane fhasi hawe, u bva kha dzitswio na dangani. O vha a tshi lemela phaundu dza furaruthanu. O lala henengei Milltown, Indiana.

Huno vhathu vhaweho vho vha vhe vha tshivhidzo tshire... Musi ndo ya u fara tshumelo tshivhidzoni tsha Baphuthisi ngei Milltown, nahone ndi tshi khou rabelela vhalwadze, itsho tshivhidzo tsho ri, “Arali muñwe murado wa itshi tshivhidzo a dalela uyo mpengo, ri ḥo vha khaula.” Huno khotsi awe vho vha vhe mudikoni.

¹³¹ Fhedzi o wana kubugu kwanga, ku no pfi, Yesu A Sa Shanduki Wa Mulovha, Namusi, Na U Ya Nga Hu Sa Fheli. Murathu Hall o nnyisa khae, nga mañwe masiari. Mme awe vho bva ḥunyi vha tshi gidima, a vho ngo ḥoda u zwi dzhena. Nda dzhena nda vha rabelela. Vha ri, “Zwo luga, ni ri mini nga ha musidzana wa Nale?” O vha a tshi ḥivha nga ha bono.

¹³² Nda ri, “Helo lo vha li bono, khaladzi, ndi nga kona u rabela fhedzi. Ni na lutendo.” Uyo muthu muṭuku wa u nyadzisea o funzwa zwi lwaho na izwi.

¹³³ Mađuvha a si gathi u bva zwenezwo, ndo vha ndo ima henengei, ndi tshi khou lovhedza. O vha e henengei, a tshi khou

lila. Zwe, a vha o no fulufhedzisa zwauri u do da nahone a lovhedzwa hafhu, Dzinani la Yesu Kristo, arali Mudzimu o vha a tshi do tou mu fhodza fhedzi.

¹³⁴ Huno heneffho, ene, milenzhe yawe mițuku ya kale yo vha i tshi ḥodou lingana na thanda ya luswielo. Vho vha vha sa koni na u mu vhea kha pishipoto. Mme awe, vhane vha kha di vha musadzi muswa, vho dzula heneffhalā, vho kwashekana nga vhulwadze na u tetemela, nahone vhe na mmvi, nga u sedza ḥwananyana wavho o lala heneffhalā, e tsini na lufu. Lufhiha lwa thanga dza ha mmeni, huno lwo vha lwo balangana na muvhili wavho. Vho vha vha tshi lemela phaundu dza furarusesumbe, ndi humbula uri zwo vha zwo ralo, vho vha haṭula. A vho ngo kona u vha takulela n̄tha lwo edanaho uri hu vhewe pishipoto fhasi havho. Vho do tea u kokodza lagane li bvaho kha dirowara, la rabara. Minwaha ya ṭahe na miňwedzi ya malo, vho lala heneffhalā, vha sa koni u imisa ṭhoho yavho uri vha vhone muri we wa vha u tsini ha fasiṭere.

¹³⁵ Linwe duvha, ndo ima murahu, n̄tha ha muvhundu, ngei ha George Wright, Muya Mukhethwa wa ri kha n̄ne, “Ima nga milenzhe yau.” Huno nda lavhelesa, huno ho vha hū na Tshedza tshi penyaho fhasi tsho fhira kha muri u re na maluvha. Wa ri, “Tuwa nga ndila i yaho ha Wright . . .” Kana, “Tuwa nga ndila ya ha Carter.”

¹³⁶ Musi ndi tshi swika henengei, Murena Yesu o vha o no sumbedza mme awe tshiga tsha uri ndi khou da. Nda tshimbila ndo livha uyo musidzana o lalaho heneffho kha vhulalo, a si na nungo lwe a vha a si nga koni u takula khaphu ya u pfela tshilangwa. Mme awe vho vha vha tshi i takula. Ene, “Uh,” a tshi khou lingedza u pfela khaphuni ya tshilangwa, e na TB. Nda ri, “Khaladzi Georgie. Yesu Kristo, Murwa wa Mudzimu, o ṭangana na n̄ne hangei sogani, tshifhinga tshi ḥodaho u lingana hafu ya awara yo fhiraho, huno o mmbudza uri ndi de ndi ni vhee zwanda. MURENA U RALO. Imani nga milenzhe.”

¹³⁷ Tshipfi tsha vhurathi tsha mbo shuma. Maanda a kwama uyo musidzana. Lwa u tou thoma kha miňwaha miraru . . . kana miňwaha ya ṭahe na—na miňwedzi ya malo, he a vhuya a ima nga milenzhe yawe. A fhufha nga milenzhe yawe. A gidimela dzidzharatani, huno a tshi fhatutshedza miri na hatsi, na tshinwe na tshinwe, huno a dzhena a dzula fhasi he piano ya vha i hone, a thoma u tamba, “Hu na Tshisima tsho ḥalaho Malofha, o bviswaho lutsingani lwa Imanuele.”

Mulandu? Thalukanyo dzo vha dzi tshi do vha dzo hanedza . . .

¹³⁸ A vho ngo kona u zwi ita. A thi divhi zwino. A thi nga do vhuya nda divha. Ndi Maanda a Mudzimu fhedzi e a mu imisa. Milenzhe yawe yo vha i si mihulwane u yafhi, n̄tha hafha kha zwinungo; a hu na tshi no fana nayo, i tou fana na thanda dza

luswielo. Hezwo zwo itea miñwahani ya fumi-mbili yo fhiraho, kana ya fumi-iña, huno ñamusi vho khwañha nahone vho takala, vha khou shumela Murena Yesu.

¹³⁹ Ho vha hu mini? U rangani, ho vha hu sa vhonali tshithu tshi iteaho, fhedzi ngelekanyo yo vha i tshi ño vha yo ri a zwi nga itei. Fhedzi, murathu, vho farelela kha iñlo Ipfi. Arali Mudzimu o vha a tshi nga dzhia uyo musidzana o holefhalaho, henengei Salem, uyo musidzana wa Nale, o holefhalaho nahone o omaho miraðo, na zwanda zwawe zwo nembelela nga ndila *iyo*, a mu fhodza, O vha a tshi ño mu fhodza, na ene-vho. O zwi tenda.

¹⁴⁰ Murathu Hall, o lala henengei, a tshi khou lovha nga pfuko. Munna onoyo o nnzhia a nnyisa henengei. Maine wawe, ngei Milltown, o mu rumela ntña ngei kha uyu maine New Albany, fhano, a re henengei Saint Edwards Hospital. Ndo hangwa... O disa vhananga; munna wavhudí, maine o lugaho. A mu ñathuvhuva. A ri, "Pfuko." A ri kha Maine Brown, ngei Milltown, a ri, "U khou lovha."

Maine Brown a ri, "Ndo elekanya nga u tou ralo."

¹⁴¹ O mu dzhia a mu isa ha khaladzi yawe, hangeno, ane a vha sha-shaka la Vho-Kopp, vhe vha vhe muhañuli ñoroboni. Huno musi o no ya henengyeyo, a ri, "Mu litsheni henehfa u swikela a tshi lovha."

¹⁴² Huno vho nthumela mulaedza wa uri ndi ye henengyeyo. Nda ya, maðuvha a tshi tevhekana, ndi na mufumakadzi wanga, murahu henengei. Ra rabelela Murathu Hall. Ndo vha ndi tshi mu funa. O vha muñwe wa vhe nda vha rembulusela kha Kristo. Huno o fhela nungo a dovha, huno o vha a sa koni u onyolosa zwanda zwawe.

Vho-Mme Hall vha ri, "Billy, naa hu na tshiñwe tshine ni nga ita?"

¹⁴³ Nda ri, "A hu na tshine nda divha, Khaladzi Hall. A thi koni u pfa ipfi li bvaho ha Murena. Ro..." Nda ri, "Ndi ño takalela uri maine wanga a mu vhona."

A ri, "Maine wavho ndi nnyi?"

Nda ri, "Maine Sam Adair."

¹⁴⁴ Huno ndo mu vhidza Sam. Sam a ri, "Tshi re hone, ndi nga kona u mu rumela ngei Louisville, Billy, uri a dzhiewe dzi-x-ray na zwiñwe." A ri, "Ndi ño vha nea muyhigo." Vha rumela ambulansi henengei, vha mu takula, vha mu dzhia, vha vhuya.

¹⁴⁵ Sam a mmbidza, huno a ri, "Billy, u na pfuko ya tshivhindí. Ri nga si kone u bvisa tshivhindí tshawe, huno a tshila." A ri, "Ndi mureri, u tea u fhola tshoñhe zwino. Ni nga mu vhudza zwañu uri u khou ñuwa."

¹⁴⁶ Nda ri, "O ñilugisela u ñuwa, Sam. Fhedzi, tshine tsha vha hone, ndi vhenga u mu vhona a tshi ñuwa. Ndi murathu wanga, huno ndi a mu funa."

Nda elekanya, “O Mudzimu, nnyitele tshinwe tshithu.”

¹⁴⁷ Nda thoma u yo zwima tshisindi, matsheloni ayo. Nda sedza nn̄da, li sa athu tsha, ho vha hu si na muthu o bvelaho nn̄da dzharañani. Nda doba tshigidi tshanga nda tshimbila nduni. Ho vha hu na apula li vhonalahō li na makwanda la kale lo nembelela kha luvhondo. Nda elekanya, “Ndi ngani Meda o li vhea luvhondoni?” Nda sedza, huno liñwe na liñwe na liñwe, u swikela a rathi ao o nembelela henehala. Nda bvula muñadzi wanga nda wa nga magona anga, fhasi. Nda sedza nthā henengei, huno zwenezwo apula lihulu lo nakaho la tsela fhasi la la ayo maapula othe. Nda sedza, ndo ima nthā ha henehala, huno ho vha hu na tshenetshila Tshedza (tsho nembelelaho hangei kha tshila tshifanyiso) tsho ima henehala, tshi tshi mona. Nda ri, “Imani nga milenzhe yanu. Iyani, ni vhudze Vho-Hall, ‘MURENA U RALO.’ Ha nga lovhi, fhedzi u do tshila.”

¹⁴⁸ Nda tsela fhasi nda mu vhudza. O vha a si muthu o fhambanaho na vhañwe lini, fhedzi o zwi tenda. O zwi kwambatela. Ho vha hu si na phambano, zwo vha zwi tshi fana. Duvha la fhira, hu si na phambano. Duvha la vhuvhili, hu si vhe na phambano. Duvha la vhuraru li tshi ḥodou swika, zwa thoma. Huno khoyu hafha, u khou tshila ñamusi, nga murahu ha miñwaha na miñwaha.

¹⁴⁹ Dzhiani nzhele, Vho-Mme Weaver, vho dzula henehano. Hai, a tho ngo khakha. Musi ñwananyana wavho o ða, nga murahu ha u fhodzwa ha Margie Morgan, nda tsela henengei. Huno ho vha hu si na tshithu tshe avho musadzi vha vha vha tshi nga ita. Vho vha vha tshi ðo fa tshifhingani tsha awara dzi si gathi dzi tevhelaho. Vho vha na shotho nthihi, kana mbili, dze vha vha vha tshi nga vha ñea, huno zwo vha zwi zwenezwo fhedzi. Vho ðo vha na muaro wa tshisadzini, pfuko yo vha yo no ñi gidima na muñodo wavho. Vho i balanganya musi vha tshi i bvisa. Ho vha hu si na tshe avho musadzi vha vha vha tshi nga itelwa. Ndo vha ndi tshi ñoda u amba navho nga ha phodzo.

¹⁵⁰ Fhedzi vha ri, “Mune wanga, vha mudinda wa Murena Mudzimu, huno a tho ñgo fanelwa ngauri vha ñe nduni yanga.” Vha tshi khou didzhia sa a songo fanelwaho, uri mudinða a de. Vha ri, “Ndo tshila vhutshilo. Ndo tshina. Huno ndo ita zwithu zwe nda tea u vha ndi songo zwi ita. Ndo shumisa luambo lu songo ḥambaho, kana na zwiñwe-who zwinzhi.” Vha mmbulela zwivhi zwavho. Huno vha ri, “A zwo ngo mpfanela.”

¹⁵¹ Ndo zwi vhona uri vho vha vho fara ndila yone. Vho do tea u džhenisa Kristo ngomu *hafha*, phanda ha musi itsho tshipfi tsha vhurathi, tsha nthesa tshi tshi ðo vhuya tsha shuma.

¹⁵² Ra gwadama fhasi. Nda amba navho, nga ha, “Naho zwivhi zwavho zwi tshi nga muridili.” Vha ñekedza vhutshilo havho kha Murena Yesu Kristo. Huno musi vho no ralo, vha ri, “Oo, oo, ndi pfa hu na tshanduko khulu. Ho itea tshinwe tshithu kha

nne. Ho itea tshiñwe tshithu kha nne. Ndi ṭodou khađana na vhoinwi nothe.”

¹⁵³ Zwenezwo nga tshenetsho tshikhathi nda sedza nnđa huno nda mu vhona kha bono, a tshi khou humela murahu nga murahu ha nnđu a tshi ya hokoni ya dzikhuhu. Nda ri, “Vho-Mme Weaver, MURENA MUDZIMU U RALO, vha do fara lwendo lwa u ya kha ila hoko ya dzikhuhu, nahone vha do tshila.”

¹⁵⁴ A vho ngo tshimbila nga zwine vha pfa; pfuko yo vha yo vha la. A vho ngo tshimbila u ya nga zwe maine a amba; vho vha vha tshi khou fa. Huno two itea, ndi a humbulela, miňwahani ya fumi-iňa, fumi-thanu yo fhiraho, Vho-Mme Weaver? [Vho-Mme Weaver vha ri, “Fumi-iňa.”—Mudzudzanyi.] Miňwahani ya fumi-iná yo fhiraho. Vho pepelekela kha iyi thaberenakele musi vha tshi lwala, a vho ngo vhonala vha tshi nga vho vha vha tshi kona u vuwa vhulaloni, zwanda zwisekene zwituku zwa kale, ngauri vho fulufhedzisa Mudzimu uri vha do ḍa nahone vha lovhedzwa Dzinani la Yesu. Ra vha takula u bva kha tshidulo tsha linga, henefho, kha tshidulo, ra vha dzhia ra vha isa tivhani ra vha lovhedza Dzinani la Yesu. Huno khevhalaa vho dzula, madekwana ano. Vha sedzeni, arali ni tshi ḍoda u vhona tshipuka tsha mutakalo. Mulandu? Ngelekanyo na ḍhodisiso dza saints, na zwiñwe zwothe-vho, two kudzwa phasi, ngauri tshipfi tsha vhurathi tsho shuma. Ndi zwenezwo.

¹⁵⁵ Sedzani, kha ndi ambe hezwi, hafhu, lwa tshifhinganyana. Yesu o fhira murini, nga tshiñwe tshifhinga, huno wo vha u muri wa muhuyu. Huno A sedza muri wa muhuyu. Zwino, ndi a humbela, ni songo kundelwa upfesesa hezwi. O sedza muri wa muhuyu, huno ho vha hu si na mahuyu khawo. Huno A ri... O sema muri, a ri, “A hu na a no la kha iwe.”

¹⁵⁶ Vhafunziwa vha sedza thungo dzothe; muri wo sedzea sa zwe wa dzula u zwone. Awara nthihi u bva zwenezwo, wo vha u tshi vhonala u wonoula. Mudzimu ho ngo vhuya a vula lifhasi a u mila. Mudzimu ho ngo vhuya a rumela lupenyo lwo kombamaho lu tshi bva lutomboni huno a u fhisa lorelore. O vha a tshi do vha o zwi ita. Zwa vhukuma, O vha a tshi do vha o kona. Ho ngo vhuya a ita izwo zwithu.

¹⁵⁷ Ho iteani? Muri wo seňwa. Lutendo lwa Mudzimu lwo lwa na vhutshilo ha uyo muri. Ho vha hu si na tshi no vhonala tshe na vha ni tshi nga tshi vhona. Fhedzi phasifhasi nga phasi ha mavu, phasi ngomu midzini ya muri, lufu lwo vha lu tshi khou dzhena. Wo vha wo no seňwa. Tshipfi tsha vhurathi tsho lwa naho. Wa tea u fa. Wa thoma u fa, u bva midzini.

¹⁵⁸ Hezwo ndi zwithu zwithihi na zwi no itea kha pfuko. Hezwo ndi zwithu zwithihi na zwi no itea kha tshibvo. Hezwo ndi zwithu zwithihi na zwi no itea kha vhulwadze vhuñwe na vhuñwe, musi tshila tshipfi tsha vhurathi tsha maanda a Murena Mudzimu tshi tshi takutshedza u lwa naho. A ri, “Saňhane, ibva

afho." Ni nga di wana ni sa vhoni tshanduko i vhonealahi i tshi itea nga u ḥavhanya, fhedzi ulwo lutendo lu di farelela heneffo nga u tou ralo. Ho no seňwa. Itsho tshipfi tsha vhurathi a tshi nga, itsho tshipfi tsha n̄thesa tshi nga si litshe two ralo. A tshi nga dzhieli nzhele uri ni dipfa hani, uri ni sedzea hani, uri ni shuma hani. A tshi nga vhi na mukovhe na muthihi nazwo. Ipfi la Mudzimu lo no shumiswa. Tshipfi tsha vhurathi tshi a vhu fara. Ndi zwenezwo fhedzi. Vho ya mushumoni; pfuko ya thoma u ngalangala. Ya fa u bva midzini, huno ya ḥuwa. Zwa vhukuma.

¹⁵⁹ Nga hetshi tshipfi tsha vhurathi tsha maanda, mivhuso yo kwashekana, ya kudanyisa dzimbondo.

¹⁶⁰ Nga hetshi tshiga tsha vhurathi, Lwanzhe Lutswuku lwo humela murahu, huno mavu o omaha a itela vhana vha Mudzimu ndila ya u ponyoka.

¹⁶¹ Nga tshenetshi tshipfi tshithihi tsha vhurathi, Simisoni o nyadza Vhafilista vha tshigidi vho diṭama nga zwīṭhavhani na mafumo. Ho ngo vha na ndila ya u dipilela, nga nn̄da ha shambo la luṭaha lwa meila. Huno itsho tshipfi tsha vhurathi tsho ya tsha shuma, huno a rwa Vhafilista vha tshigidi. Halementuya!

¹⁶² Nga hetshi tshipfi tsha vhurathi, vhafu vho vuswa. Nga hetshi tshipfi tsha vhurathi, mađembe mahulu o itwa.

¹⁶³ Ndi foso i re na maanda nga maandesa ye ya vhuya ya rwa liphasi, ndi itsho tshipfi tsha n̄thesa, tshi vhidzwaho, tshipfi tsha vhurathi. A tshi na mukovhe na hezwi *hafha* fhasi. Arali izwi hafhano fhasi zwi tshi tshi ḥanzilela, huno zwi tshi ri "amene" Khatsho, two luga, ni khou bvela phanda. Fhedzi hu si na ndavha uri izwi zwi itani, *Tshi* tendeni. Heneffo ndi hone hu na maanda, "arali ni tshi tenda mbiluni yanu." Tshipfi tshanu tsha vhuṭanu, tsha u elekanya, tshi ngomu vhuluvhini haṇu, fhedzi tshipfi tshanu tsha vhurathi tshi mbiluni yanu. Ni tenda nga mbilu yanu. U ḥanziela hu itwa nga mulomo. Ni tenda nga mbilu yanu, ee, muṇe wanga, itsho itshipfi tsha vhurathi, foso iyo ya maanda.

¹⁶⁴ Thetshelesani. Nga mulandu wa itsho tshipfi tsha vhurathi, ho vha na muporofita we a poselwa dangani la ndau. Huno nga mulandu wa itsho tshipfi tsha vhurathi, ndau a dzo ngo kona u la Daniele. A dzo ngo kona. A dzo ngo kona u da tsini hawe, nga mulandu wa itsho tshipfi tsha vhurathi, itsho tshipfi tsha n̄thesa.

¹⁶⁵ Nga tshenetsho tshipfi tshithihi tsha vhurathi, vhana vhararu vha Vhaheberu vho poselwa nandoni ya mulilo, huno vho nyadza khavhu dza nando. Tshipfi itsho tsha vhurathi! Ngelekanyo dzothe dzo vha dzi tshi do sumbedza zwauri vho vha vha tshi do fhiswa u swikela vha tshi lovha phanda ha musi vha tshi swika khayo, fhedzi itsho tshipfi tsha vhurathi tsho ita u ri vha vhe ngomu heneffo awara mbili kana tharu. Huno musi vho vula nando, vho vhona Muthihi o ima vhukati havho, a no nga

Murwa wa Mudzimu. Hetsho ndi tshipfi tsha vhurathi. Mililo a i koni u tshi fhisa. Ee, muñe wanga.

¹⁶⁶ Ho vha hu tshenetsho tshipfi tsha vhurathi, nga tshiñwe tshifhinga, zwe Muapostola Petro a vha e khotoni, huno vho vha vha tshi khou ya u mu tumula ḥoho, ḫuvha li tevhelaho. Huno fhasi ngei nduni ya Johane Marko vho vha na khuvhangano ya thabelo. Tshipfi itsho tsha vhurathi tsha thoma u aluwa kha iyo khotlo, he a vha o no ḫikuvhatedza nga thabelo. Tshipfi itsho tsha vhurathi tsho shuma. Khavhu ya Mulilo yo dzhena nga fasiere ya kwama Petro, huno ya ri, “Idani, ibvani hafha.” Tshipfi tsha vhurathi!

¹⁶⁷ Tshipfi itsho tsha vhurathi ndi tshone tshe tshi si tendele Paulo Mukhethwa a tshi nwela khothe kha luña lwanzhe lwa maanda, musi lila gungwa lituku lo dala madi. Tshipfi itsho tsha vhurathi ndi tshone tshe tsha ita uri a si nwele khothe, tshipfi itsho tsha nthesa. Tshipfi itsho tsha vhurathi ndi tshone, tshe nowa yo mu luma tshanda, a i fhufhurela muliloni. Ndi tshipfi tsha vhurathi tshe tsha ita hezwo.

¹⁶⁸ Tshipfi itsho tsha vhurathi ndi tshone tshe tsha vusa Yesu Kristo vhafuni, nga murahu ha musi O no swiñwa fhasi, ngauri O tenda Ipfi la Mudzimu. O ri, “Tshinyadzani muvhili hoyu, huno Ndi do u vusa hafhu nga ḫuvha la vhurar. Ngauri Dafita o ri, ‘A thi nga litshi Mukhethwa Wanga a tshi vhona u sina, nahone A thi nga litshi maya Wawe vhudzulavhafu.’” Ho vha hu itsho tshipfi tsha nthesa. Kudzani fhasi ngelekanyo dza izwi zwipfi. Tendani itsho tshipfi tsha nthesa, tshipfi tsha lutendo, tshine Yesu Kristo a nea.

¹⁶⁹ Nga tshenetsho tshipfi tshithihi, Mudzimu o amba musi ho vha hu si na tshithu. Tshipfi itsho ndi mini? Itsho tshipfi tsha nthesa ndi Mudzimu, lutendo lwa Mudzimu ngomu hanu, tshipida tsha Mudzimu tshine tsha dzhena ngomu hanu, tshi ni nea tshipfi tsha nthesa. Nga itsho tshipfi tshithihi tsha nthesa, Mudzimu o vhumba shango nga zwithu zwe zwa vha zwi siho nahone zwi sa bvelele. O amba Ipfi Lawe huno a tenda Ipfi Lawe, huno shango la vha hone. Vhugala!

¹⁷⁰ Tshipfi tsha vhurathi, tshipfi tsha nthesa, O Mudzimu, tshi shululele kha nne. Nñee tshone na kha muñwe na muñwe ane a tshi ḥoda. Shululela tshipfi Tshau tsha vhurathi ngomu hanga, Murena. Ndi a funa u kumedza hezwi zwitanu, ndivho yanga, mihibulo, ngelekanyo dzothe dici tshi kudzwa fhasi, Murena. Tendela Ipfi Lau u vha la ngoho, huno ipfi linwe na linwe la muthu li vhe mazwifhi. Ngelekanyo iñwe na iñwe, u timatima huñwe na huñwe, kha hu thudzelwe kule, huno ntendele u tshimbila nga tshipfi tsha nthesa, tshipfi tsha Muya Mukhethwa.

¹⁷¹ Naa itsho a ni tshi ḥodi? [Tshihidzo tshi ri, “Amene.”—Mudzudzanyi.] Hetsho ndi tshithu tshine ra tshi ḥoda. Mudzimu a ni fhañutshedze, dzikhonani. Hetsho ndi tshone tshine na tshi

ṭoda. Tshipfi itsho tsha n̄thesa tshi ḋo humbela tshiñwe tshithu, huno tshi a ḋivha zwauri U ḋo tshi nea. Tshi tou fhembeledzwa. “Ngauri ane a da kha Mudzimu u fanela u tenda zwauri U hone, na uri u pfufha vhane vha Mu ṭoda nga mbilu yothe.”

¹⁷² Arali tshipfi tsha vhurathi tshi ri, “Mudzimu u vhulunga Ipfi Ławé. Ndi dīnekedza Khae. Ndi kumedza zwothe zwine nda vha nazwo, Khae. Tshipfi tshanga tshi ri hezwi zwi ḋo ita uri zwi bvelele, lutendo lwanga kha Ipfi la Mudzimu.” Zwenezwo, dzhiani tshiñwe tshithu-vho, tsho fhambanaho nalwo, sa tshi siho-ho.

¹⁷³ Abrahamu o ḥangana na Mudzimu, huno Mudzimu a ri, “U khou ya u vha na ḥwana nga Sara.” Huno ene ndi wa miñwaha ya fusumbe-thanu, huno wa ha mmeni e na ya furathi- thanu. Abrahamu o tenda tshiñwe na tshiñwe tshe tsha vha tshi siho, tsho fhamba-... tsho fhambanaho na izwo, tshi tshi tou nga tsho vha tshi songo ralo. O tshila zwi tshi tou nga o vhona Mudzimu, nahone o—o tenda.

¹⁷⁴ O ḋo dzhia tshiñwe na tshiñwe tshe tsha ri o vha a songo ralo, ngelekanyo dziñwe na dziñwe, tshiñwe na tshiñwe-vho tshe.... Maine a nga ḋi vha o ri, “Malandu, Abrahamu, vho no kalaha kha u ita hezwo.” Hezwo zwe maine a amba a zwi iti phambano na ḥukhūṭukhu, zwe muñwe muthu zwawe a amba, zwe muhumbulo wawe ene muñe wa amba, zwe tshiñwe tshithu-vho tsha amba. Mudzimu o ita zwone, huno o dzula e zwenezwo.

¹⁷⁵ Hetsho ndi tshipfi tsha vhurathi, tshipfi tsha n̄thesa. “Mudzimu, nñee tshone. Mudzimu, nnyingele tshone,” u shumela vhatu Vhawé, ndi thabelo yanga.

¹⁷⁶ Matsheloni ano, musi uła mme o disa uła ḥwana muñku, o tswukalaho mavhudzi, o ima henehfala, mitodzi i tshi khou elela mashamani awe. Nda ri, “Malandu ndi mini, khaladzi?”

¹⁷⁷ A ri, “Khaladzi Branham, u na pfuko ya malofha.”

Nda pfa tshiñwe tshithu tshi tshi ya n̄tha. Yawee! “Ndi ene thuso i wanalahlo tshifhingani tsha khombo.”

¹⁷⁸ A si kale fhano, Billy na nne ro vha ri tshi khou tsa na ndila, ndi tshi reila. Vhañwe vhatukana vha makhaladi vha da nga ndila, huno vho vha vha tshi khou gidima. Huno wo vha wo kuđa, huno wa mona tshanzunguluwe, tshanzunguluwe, tshanzunguluwe, wa dovha wa hasekanya vhatukana na ndila. Huno muñwe muthu muñku a sokotedzwa nga fhasi ha modoro, muñana wawe wo qitika nga modoro. Vhatukana vha fhufhela nnđa huno vha thoma u u vusa. A ri, “Yawee, ndi a humbela uri ni songo ita! Muñodo wanga u khou vundea! Ni songo! Ni ḋo mmbulaha! Ni ḋo mmbulaha! Ni songo zwi ita!”

¹⁷⁹ Huno vha ri, “Yawee, ri tea u u bvisa kha inwi. U khou fara mulilo.” Vha ri, “Edzonu...”

¹⁸⁰ “Ni songo u sudzulusa. Ni khou nkuyekanya u isa lufuni! Ni songo zwi ita! Ni songo zwi ita!”

Nda vhidzelela nga fhasi henehala, “Muthannga, naa ni Mukriste?”

A ri, “Hai, muñe wanga.”

Nda ri, “Ndi khwine ni tshi rabela.”

A ri, “Ee, muñe wanga.”

¹⁸¹ Tshipfi tsha vhurathi tsha shuma. Nda tshimbila nda mona nga muraha ha modoro. Huno a thi nga divhi u swikela Khaṭhuloni. Fhedzi, nga u ṭavhanyedza, uyo modoro wa sudzuluwa [Mukomana Branham vha lidza munwe wavho luthihi—Mudzudzanyi.], huno wa vha wo sudzuluwa khae. Huno a fhufhela n̄tha huno o vha a songo huvhala. Ho vha hu mini? “Thuso i wanalahlo tshifhingani tsha khombo.”

¹⁸² Ro vha ri tshi khou da ri tshi bva . . . Mufumakadzi muswa wa mukhaladi o vha a tshi khou reila modoro ndilani, Plymouth ntswa, maela dzi tshi ṭodou vha madana maña khayo. O vha a tshi khou reila nga luvhilo lwavhuđi nga maanda. Huno ndo u vhona modoro. Wa dzhia tsimbi yawo ya u monisa malinga wa i kokodza tshikhala tshothe wa i vonyedza murini. Billy na nne ra ima. Ho vha hu na ndila i re na mahāđa, i suvhaho phandā hashu, fhedzi nga itsho tshifhinga yo vha yo oma. Musidzana . . . Mimuya i tshi khou vhudzula nga maanda, n̄tha ngei Minnesota, u swika i tshi vhudzulela modoro kule. Ni a zwi humbula, Billy. Nda gidimela fhasi khae. Huno, henengei, o dzula henengei. A ri, “Yawee, ndi khou lovha. Ndi khou lovha.” Vha vhidza ambulansi.

¹⁸³ Ambulansi ya da, huno vha ladza munna o lovhaho murahu ha ambulansi. A ri, “Ndi nga si mu dzhie.”

¹⁸⁴ Huno ngauralo rabulasi a ri, “Zwo luga, rumani muñwe muthu zwawe, nga u ṭavhanya. Musadzi u khou lovha.”

Nda ya henengei. Huno nda ri, “Mufumakadzi, lwa tshifhinganyana.”

¹⁸⁵ A ri, “Yawee, vha songo nkwama, muñe wanga. Vha songo nkwama. Muđodo wanga!”

¹⁸⁶ Nda ri, “Mufumakadzi, naa ni Mukriste?” A ntsedza. Huno nda ri, “Ndi muđinda wa Mafhungo-madifha. Arali ni tshi khou lovha, mafhungo anu na Mudzimu o ima hani?”

A ri, “Muñe wanga, ndi ḥoda u vha kha ngoho, zwino.”

¹⁸⁷ Huno tshipfi tsha vhurathi tsha shuma. Maanda a Mudzimu a tsela fhasi. A kona u bva modoroni, hu si na muthu a a mu thusaho. Maanda a Mudzimu, e hone, “Thuso i wanalahlo tshifhingani tsha khombo.”

¹⁸⁸ Ri tshimbila nga lutendo. Ri tshila nga lutendo. “O lugaho u ḥo tshila nga lutendo.” Ri fanela u tshila nga u tou ralo.

Ndi vhangana vhane vha Ძoda u vha na zwinzhi zwa tshipfi tsha vhurathi, tsha n̄thesa? [Tshivhidzo tshi ri, “Amene.”—Mudzudzanyi.]

Zwenezwo kha ri kotamise zwifhaṭuwō zwashu, musi ri tshi rabela.

¹⁸⁹ Murena wa thengo khulu, Mudzimu washu na Khotsi ashu, Iwe wo ri lugela nga maanda. U ri nea zwipfi zwitānu u tshila ngazwo na u tshimbila ngazwo, kha Ძeli lifhasi, kana u—kana u kwama lifhasi. Ri kona u pfa zwithu zwine—zwine zwa do pfea, nga zwanda zwashu, zwithu zwi fareaho. U ri nea ndevhe, uri ri kone u pfa. Hezwo ro zwi takalela nga maanda, zwauri ri kona u pfa Ipfi la Mudzimu, huno, nga izwo, “Lutendo lu da nga u pfa, u pfa Ipfi la Mudzimu.” Ri livhuha nga maanda zwipfi hezwi zwa rathi, Murena. Kha ri kone u dzula ri nazwo, mađuvhani othe a vhutshilo hashu.

¹⁹⁰ Fhedzi ngavhe hetshi tshipfi tsha n̄thesa, ngavhe tshipfi tsha lutendo, tshine tsha vha tsha mutendi, ngauri u tea u vha natsho uri a kone u tenda. Murena, ri nee zwinzhi zwatsho. Yawee, tshi kunakisse, Murena, huno ri lingē, nahone u ri dadze nga vhuthu Hau na maanda Au. Kha ri tshimbile mađuvhani othe a vhutshilo hashu, nga tshipfi tsha vhurathi, nga tshipfi tsha lutendo, tshine tsha newa nga Yesu Kristo. Ndi zwine ra zwi rabelela, kha ri tende zwauri ri khou zwi Ძanganedza, ri songo vha na u timatima mbiluni dzashu, huno Wo ri fulufhedzisa zwauri zwi do bvelela.

¹⁹¹ Havho vho imisaho zwanda zwavho, Murena, ndi khou vha rabelela. Vha na zwililo. U a divha zwe vha vha vhe zwone. Ndi rabela uri U do zwi vuledza, tshiñwe na tshiñwe tshazwo. Ngavhe tshi tshi khunyelela, tshililelwa tshavho. Ndi a humbela Dzinani la Yesu. Amene.

Lutendo kha Khotsi, lutendo kha Murwa,
Lutendo kha Muya Mukhethwa, izwi zwiraru
ndi Tshithihi; Madimona a do tetemela,
huno vhaitazwivhi vha do karuwa; Lutendo
kha Yehova tshiñwe na tshiñwe tshi do
dzinginyea.

¹⁹² No no vhuya na zwi pfa, u rangani? Zwino hu si na muzika, lwa tshifhinganyana. Kho- . . .

Lutendo kha Khotsi, lutendo kha Murwa,
Lutendo kha Muya Mukhethwa, izwi zwiraru
ndi Tshithihi; Madimona a do tetemela, huno
vhaitazwivhi vha do karuwa; Lutendo kha
Yehova lu ita uri tshiñwe na tshiñwe tshi
dzinginyee.

¹⁹³ Ndi zwone. Yawee, nñenñe! Lutendo lwa thengo khulu! Lutendo lwa thengo khulu, lwa vhugala! Mudzimu, nñee lutendo. “Nga lutendo, Abrahamu. Nga lutendo, Isaka. Nga lutendo, Abele o ñekedza Mudzimu tshidzimu tshi fhiraho tsha

Kaine; ene naho o no lovha, u kha di ḥanziela.” Yawee, ri ṭoda hani lutendo! Ndi a Mu funa. Ndi ṭoda lutendo lwo engedzwaho. Tshililo tshanga vhutshiloni uvhu, na tsha uyu ḥwaha muswa u daho, ndi lutendo lwo engedzeaho kha Mudzimu. Mudzimu, ḥusa u timatima huṁwe na huṁwe hune ha vha muhumbuloni wanga, arali hu tshi do vhuya ha vha hone. Saṭhane u lwa na nne, u lwa na inwi, u lingedza u posa misevhe yawe. Fhedzi kha ndi vhe-ha na itsho tshiṭangu tsha lutendo phanda hanga nga zwifhinga zweṭhe, u tinya maano mavhi a diabolo, u runga, u thivhela misevhe yawe i dugaho, ndi thabelo yanga vhukuma. Mudzimu a ni fhaṭutshedze.

¹⁹⁴ Ni na tshine na ṭoda u amba, Murathu Neville? [Murathu Neville u ri, “Hai, u dovha u ita ndivhadzo fhedzi.”—Mudzudzanyi.] Idani. 

TSHIPFI TSHA NTHESA TSV59-1227E
(A Super Sense)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, nga la 27 la Nyendavhusiku, 1959, Thaberenekejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org